

四庫全書

子部

欽定四庫全書

萬姓統譜卷一

明凌迪知撰

上平聲

一東

東

平原徵音舜七友東不訾之後

漢

東富

中郎涇州人

唐東明

開元中為涿鹿太守

宋

東周

眉州人慶曆進士

東震

眉州人元豐進士

元東良會

鞏昌人以總管守商州值紅巾亂令二子挈家居華州一居朝邑曰吾受土地於國義當

死守境死於官其後華與朝邑繁衍興盛衣冠詩書為闕中華曾

明東昇

華州人良會四世孫博學能文任商河縣丞惠政得民生四子舉進士者三長思忠成化丙戌

進士官至四川副使所在善於其職次思誠弘治辛丑進士官至吏部員外郎有名于時次思恭弘治癸丑進士官至兵科給事中使滇南卒思恭言論容止為一時諫垣儀表父子昆弟並神旺氣清貌秀才美故闕中稱東氏為玉林鳳羣世希有焉

東魯

字子實與弟漢郊野皆副使思忠之子魯弘治乙酉舉人官至兵部郎中漢弘治戊午舉人官

至長蘆運使郊正德辛未進士官至工部郎中
昆弟五人其厯政之迹皆迥出人表滌滌郊之

子嘉靖辛酉
舉人任知縣

東珙

松溪人永樂中
舉人江陰教諭

東昌

漢陽人永樂中
大庾縣知縣

東彥名

建安人宣德
中宜黃知縣

童

鴈門宮音顛項生老童以王父字為氏

童恢

姑幕人後漢為不其令民有為虎所害恢捕二
虎謂曰王法殺人者死若殺人者垂頭伏罪不

殺人者當號訴一虎低頭瞑目一虎視恢號鳴
乃釋之吏人為之歌頌遷丹陽太守執法廉平

入循
吏傳

童翊

字漢文恢弟名高於恢宰府先辟之翊陽暗不肯及恢被命乃就孝廉除西昌長化有異政吏

人生為

立碑

童仲

內史

唐

童宗說

字夢弼南城人眉宇秀整尚友拔俗為袁州教授有柳文音註號南秀先生

宋

童伯羽

字飛卿既寧人沈默寡言好詩書師事朱文公雅好林泉不樂仕進人稱為敬義先生

童成大

字元偉既寧人博極羣書精研性理優游林泉不求仕進

童英

字俊民授太常博士充集賢校理兼騎都尉賜緋魚袋知潭州軍兼管內勸農管勾事

童譽

字隱之雙流人博通經學尤長於易太玄著發隱一篇蜀守蔣堂張方平趙抃咸以逸民薦上

賜粟帛再命州助教不就
嘉祐中賜號冲退處士

童淑

壽昌人身長八尺面如紫玉赤睛虎鬚有膂力
能挽強弓宣和中童貫討方臘淑仗劍歸之有
功擢殿前將軍建炎初汪來一來二寇亂闕越
命淑討平之授江南東路安撫使卒贈太尉

童堯民

遂安人登紹熙四年進士累官至
右正言事忤韓侂胄罷歸不復仕

童參

既寧人性淳朴隱於耕仁宗元年參年百有三
歲敕賜慰勞云古者天子巡狩方岳之下問百
年者就見之今汝黃髮皓背以上壽聞其可使
與編氓齒乎往以忠孝教而子孫授承務郎逾
年卒子珪登進士授
承奉郎清遠縣主簿

童太一

直閣
將軍

童國賢

乾道間
舉進士

明童謨

浙江人洪武中知番禺縣以廉謹自持曾詔贈以詩曰共誇仙掌露不羨玉壺漿之句人以爲

確論歷江

西按察使

童銓

字士衡淳安人登洪武三十三年進士第初任南陵丞攝縣事有聲投知縣丁內艱民皆借留

之擢禮部祠祭司郎中

陞福建按察司副使

童真

仁和人永樂中御史巡按四川心志忠謹規範端肅務以自盡不求人知官至副使

童寅

字以敬隨州人永樂進士授監察御史巡按蘇松以及滇南遼東諸郡風裁肅然累官江西按

察使廉介勤恪存心寬恕惟以身率物吏

民畏服卒後家無贏帛不能庇及妻孥云

童叙

字景和甌寧人性好學手不釋卷極孝永樂四年有司以孝廉薦至京上疏以母老乞終養詔

許之終身不仕所著有
臨清集文房選粹十卷

童緣

浙江錢塘人
景泰進士

童軒

字士昂都陽人成化進士有文學知政體弘治中以都御史撫治四川恩威並施番人畏而愛

之歷南京
禮部尚書

童瑞

四川犍為人弘治進士官至工部尚書

童承叙

字士疇沔陽人有異質弱冠以文名正德辛丑進士選庶吉士授編修晉國子司業與司

丞呂柟訓士以實學有成績與校實訓實錄會典諸書進左庶子兼侍讀主順天鄉試攻詩得唐人體文有雅思詞林稱其才
所著沔陽志及文集若干卷

童漢臣

浙江錢塘人嘉靖進士任御史錄之後

公括陽羽音魯昭公子公衍公為之後

周

公哲哀

齊人不仕家臣孔子賢之

公夏首

封亢父伯

公處父

孟孫將墮成處父勸孟孫佻不知而處父據成不墮魯圍之不克事遂寢

公陽

楚大夫

公鉏

季氏家臣

公杲

項羽將

公仲

趙烈侯相國烈侯好音謂公仲曰寡人有愛可以貴之乎公仲曰富之可貴之則否烈侯曰然

鄭歌者捨石二人吾賜之田人萬畝公仲曰諾不與居一月烈侯從代來問歌者田公仲曰求

未有可者有頃烈侯復問
公仲終不與乃稱疾不朝

漢 公綦稠

烏桓校尉

公儉

主爵都尉

宋 公傳

晉江人紹興十三年進士

公穎

崇寧州人任廣東轉運使

明 公勉仁

字尚德山東濰陰人弘治進士歷官右僉都御史公一揚嘉靖進士

公躋奎

山東蒙陰人嘉靖乙未進士公家臣隆慶進士授翰林院編修

翁 鹽官商音周昭王庶子食翁山因氏又望出錢塘

漢 翁君

傳救梁春秋之學

翁伯

販脂而富傾縣邑

唐 翁承贊

字文堯蒲田人乾寧間登進士第詠槐花詩雨中粧點望中黃勾引蟬聲送夕陽憶得常

年隨計吏馬蹄
終日為君忙

翁洮

字子平壽昌人舉進士授主客員外郎退居不仕僖宗遣使徵之不起作枯木詩以答詔僖宗

復遣使以曲江魚賜之
宋理宗追謚為善慶公

翁仲孺

渭川人家貧一日天雨金十斛於其家富等王侯

宋翁采

字景文大觀中為太學生上書言事登第調歸州教授復論花石綱左遷潭州刑曹

翁邵

字好德元豐中進士順昌人博學工文調崇安時劉給在布衣邵待以國士人服其知人遷福

清縣丞清慎方正大興學校已而以疾歸數州之士負篋雲集以儒學鳴於一時官至宣教郎

翁熙載

名績以字行福清人宣和末詣闕上書言夏人無故詣和金人納款趙良嗣董才來降妄

生邊釁乞斬二人以篤信好不報遂飄然南歸
熙河劉平仲死於戰場而上不之知熙載以詩

哭之時蔡京當國聞
此詩者皆服其直

翁元

字柔中熙載子有豪俠嘗設前輩行事亦能
詩在丘園五十年城市之人尚鮮有知其名者

翁甫

字景山崇安人登進士第召監登聞鼓院陸對
稱旨除資善堂直講言皇儲入宮而左右獻器

玩乞加禁絕奏入不報兼
知隆興州所著有蜀漢書

翁易

字醉翁崇安人通六經尤長於春秋游朱文公
之門講明義理往復辨難悉究其旨言行有法

人稱竹
林先生

翁升

字南仲慈谿人力學有志氣少從胡安定受易
元豐進士元符上書言事切中時弊升自奉薄

而勇於急人睦親
恤孤鄉人敬之

翁應弼

字子直壽昌人博涉羣書淳祐進士累至工部侍郎理宗深器之後為丁大全所陷謫竄

南荒久之上思其才遣使召之則已死矣
計聞上歎悼良久命有司歸其柩復其官

翁夢得

字景說壽昌人詩人泚之後也通春秋端平咸淳間兩中榜尋隱居教授所著有春秋指

南一卷撫實二卷要論十卷紀要十卷盤珠纂論十卷地理總括若干卷並行於世

翁仲通

字濟可崇安人遷武平令僉書興化軍復令黃巖縣所至興築陂湖控遏民甚賴之武平

俗不知學仲通自買民地建學以教之後以親沒不逮養遂致仕子彥約彥深彥國

翁彥約

字行簡崇安人登進士第調常州刑曹累遷提舉河北西路學事以薦拔人才為急日與

諸生講畫實邊制勝之策除知高郵軍革商販
茶鹽私坐貿易之弊吏不得倚法為姦歲大旱
彥約以禱祠積勞得疾卒有文集十卷

翁彥深

字養源崇安人第進士除右員外郎以書白
宰相言與金人夾攻契丹非是除國子祭酒

徙秘書監時宦者梁師成提舉祕書省彥深不肯造詣時論高之

翁彥國

字瑞朝崇安人官至御史中丞靖康之變充
經制使撰文警衆張邦昌為金所立移書責
之

翁挺

字仕挺崇安人彥約子少能賦及長該博羣書
落筆數千言政和中以季父彥國恩補官調宜

章尉朝臣交薦詔赴闕下所陳皆朝廷急務奏
對移時上喜曰何見知之晚改授少府監丞時

相怒其不附已逐之遂不復出號五峯居士有詩文集二十卷李綱稱其文雄深雅健淵源浩博又稱其凌厲奮發絕去筆墨畦徑

翁蒙之

字子功彥國之子補常山尉時趙鼎死柩過常山郡將希秦檜旨命蒙之護喪搜其知舊

往來書疏蒙之密使焚之郡將坐以他罪罷官孝宗登極召為司農丞

翁延慶

字德甫崇安人以父蔭補官靖康初聊城縣舉義兵從王若訥等勤王至京師南薰門與

金人血戰死之贈朝散大夫官其子世修孫允明登淳熙五年進士

翁熙

字正之長河人淳熙進士調袁州戶曹長於吏事二鞠疑獄平反明允終朝請大夫

翁績

字德功博學能文躬踐履之學士負笈從之游者以百數誨之無倦率多成就

翁肅

字彥恭長安人慶厯中厯知賓江潭表陝五州召入陞對剛正敢言上器重之

翁谷

字子靜政和二年第進士權崇安廉介有幹濟才宣和初浙寇逼閩境谷團練鄉兵於分水嶺

岌崇竹嶺置二大寨控扼之寇不敢犯與黃端陳麟皆以善治邑有聲閩部號三循吏云

翁點

字沂伯莆田人登進士第厯官湖南運判盡奏弛本道酒榷湘人德之為江東提刑常平使者

行役法民訴不便點貽書諭以急更之郡人碑其遺澤焉

翁靈舒

有詩名劉后村贈以詩有云徧問諸郎皆冠帶自言別業可漁樵

翁偉

為襄漢守跨馬而出然瞎馬而嘶偉能辨其音

元翁森

字秀卿仙居人隱居教授取朱子白鹿洞學規以為訓從游者前後至八百餘人所著有一瓢

稿行
于世

明

翁世資

莆田人正統進士授戶部主事歷太子少保戶部尚書居官四十年勤謹和厚豁達有為

時譽
歸之

翁健

餘姚人正德進士累廣東叅政

翁溥

字德宏浙江諸暨人嘉靖進士初知太湖仁恕明允洞悉時宜擢吏科給事中累仕至南京刑

部尚
書

翁萬達

字仁夫廣東揭陽人嘉靖進士仕至兵部尚書勦南蠻禦北狄可稱奇計贈太子太保

翁世經

福清人嘉靖進士仕至廣東左布政使

融 魯邑宮音故融夷氏之後

周 融 茂

字然明鄭人晉叔向如鄭茂惡執器堂下一言而善叔向曰必然明也下執手以上曰子少不

揚若無言
幾失子矣

融 戾

晉大夫叔孫之司馬融戾請救季氏帥徒以陷公圍

明

融 象 閏

郟縣人弘治中任山西霍州同知

蒙

安定宮音東蒙主以蒙山為氏

周 蒙 穀

楚大夫昭王自隨反郢穀典五官得法百姓大治王欲封之穀辭逃焉

秦 蒙 騫

仕韓得地置三川郡攻趙定太原攻魏拔高都汲攻趙取三十七城

蒙武

鷲之子伐齊取河東為九縣

蒙恬

武子為秦將威震匈奴始皇遣率兵三十萬北築長城始皇崩沙丘趙高胡亥矯詔殺太子扶

蘇恬吞藥自殺

蒙毅

武子位至上卿出則參乘入則御前恬在外事而毅常為內謀名為忠信故雖諸將相莫敢與之爭

唐

蒙歸義

太和人本哀牢夷之後姓蒙氏有曰細奴邏高祖時遣使入朝賜錦袍傳三世之至皮羅

閣開元間以逐泚河蠻功賜名歸義冊為雲南王子閣羅鳳繼立

蒙伽異

歸義之孫天寶間入宿衛拜鴻臚卿後其父閣羅鳳繼立以伽異為揚瓜州刺史

蒙海

柳州人大中祥符進士仕至殿直

宋

蒙英昂

韶州人開寶進士

蒙傳

封州人祥符元年進士

蒙甄

番禺人嘉定進士廬州叅軍

蒙時中

嘉祐四年通判太州

蒙汲

台州人淳祐進士

蒙化龍

銅梁人淳祐進士

明

蒙惠

弘治進士知新興縣興利祛弊愛恤黎民民甚愛之終興化府知府

嘉靖庚戌進士蒙大齊賓州人歷兵郎中嘉靖壬戌進士蒙詔南海人歷官都御史

豐

括陽宮音鄭穆公子豐之後以王父字為氏

周

豐施

子旗伯石子歸州田

豐卷

卷將祭請田焉弗許卷怒而徵役子產奔晉子皮止之而逐豐卷

豐點 魯人孟氏之御

豐衍 宋人

漢 豐謹 御史大夫

五代 豐進 周宣衛使

宋 豐儀 乾道六年以左朝請大夫 嚴州

豐稷 字相之 鄞人 嘉祐中進士 元符中拜左諫議大夫 御史中丞 擢禮部尚書 首論蔡京章惇貶海

南園練副使 安置台州 卒七十五 建元追復學士 謚曰清敏 稷三居言責 每草疏必密室 子亦

不得見 退焚稿 未嘗以時政語人 其所薦士如陳璘 陳師錫 鄒肇 昏知名 當時

豐有俊 字宅之 四明人 稷四世孫 登青樓 見小娼 疑故人 女景目之女 亦悟 酒罷留宿 女羞 澁良

久曰豐官人識妻否詰之果故人女豐曰某所以留者以坐間不得問也宜各寢必有以處汝娼遂退豐與京尹有舊明日以白尹且曰某僅有錢八千從公更貸二百千嫁之尹嘉其義即

取入府厚奩具擇良士嫁焉尹即王宣子佐也朱熹同科進士第一

豐存芳

字公茂清敏公孫也為太平州倅宋端宗景炎元年二月蒙古兵至知州孟知縉謀以城

降存芳諫不聽詈之知縉引蒙古兵屠其家同死者十八人卒方義竊其八歲孤禮長于民間傳至曾孫淳甫洪武中以賢良薦仕至監察御史

豐至

紹興四年進士

豐翔

嘉定五年進士

豐芑

嘉定十三年進士

豐蒞

紹定三年進士

豐安常

明州人元豐登第

明豐寅初

字復初鄞人博學篤行恥事胡元隱居句章之壩洪武十七年徵為國子司業後上書諫

觀燈謫德化縣學教諭以身迪人建文壬午棄官躬畊卒年百五歲所著有古易略說贈徵仕

郎兵科右給事配滕氏亦百歲餘

豐慶

字文慶寅初子第正統己未進士授兵科給事中遷右給事中與林聰葉盛高棟等諫景帝南

城及易儲事言甚凱切乃詔繫獄七年英廟復辟陞河南左叅政論周府內官不法事上嘉之

陞本司右布政使廉聲大著會奉表入賀陞馬傷足時年五十乞致仕所著有古易筮法簡卷

集子耘字用勤居士以禮律身錄造無少渝官湖口學訓導乞終養歸以子熙貴封奉直大夫

右春坊諭德著家禮便
宜唐詩續音藏於家

豐屹

當塗人永樂舉人

豐載

江西安福人景泰進士

豐熙

浙江鄞縣人弘治一甲進士翰林學士子坊正德鄉試解元二甲進士

鄧

京兆宮音周文王所都國名子鄧侯之後

鄧舒

赤狄潞子嬰兒之臣也晉景公之姊伯姬潞子夫人也舒為政而殺之傷潞子日晉伐之或曰

鄧舒有三雋伯宗曰狄有五罪殺舒以嬰兒歸

宋 鄧伸之

淳安人紹興進士

鄧康

廬陵人知英州

明

豐洪

陸川人洪武初任御史

豐海

江西人正統進士

豐初

固始人宣德中任九江府教授

馮

始平宮音周文王十五子畢公高之後畢萬封魏食采馮城因氏又望出潁川上黨

周

馮郝

楚大夫宋惠施奔楚懷王受之馮郝勸勿受王曰善乃封惠子而納之邪

馮簡子

鄭大夫能斷大事鄭國將有諸侯之事與裨謀乘以適野使謀可否而告簡子始斷之

馮長

驪山人周宣王時為柱下史觀天文之變乃退隱攝生遇鄒真人授以靈書功行垂成復過彭

真人授以太上隱書遂得仙

術平王二十年春昇化而去

馮亭

韓上黨守時秦白起伐韓拔野王上黨路絕亭與其民謀曰鄭道已絕不如歸趙趙被秦兵必

親韓韓趙為一則可以當秦矣卒降趙馮去疾為秦丞相馮無擇為秦將馮敬為魏騎將皆亭

之後也

馮璿

魏人躡屣蹻而見孟嘗君彈劍缺而歌孟嘗君不悅後孟嘗君廢諸客皆去獨賴馮璿得復其

位

漢

馮唐

趙人為中郎署長嘗言雲中守魏尚有功而削其爵帝納之使唐持節赦尚復為雲中守拜馮

唐為車騎都尉子馮遂中郎孫亦奇士

馮楊

魏郡人宣帝時為弘農太守有子八人皆為二千石趙魏間號曰萬石君

馮煥

安帝時幽州刺史疾惡太甚恣者詐為詔捕煥煥上書自訟詐者抵罪

馮元興

字子威肥鄉人少有操尚就學通禮傳有文才領孝廉對策高第為御史進侍講尚書授

杜氏春秋於式乾殿元興嘗為摘句儒者榮之後被廢為浮萍詩以自喻曰有草在碧池無根綠水上脆弱惡風波危微苦驚浪尋微赴闕以母憂還家卒贈齊州刺史有文集一百卷傳於世

馮勤

楊之曾孫光武時為郎中精勤盡忠賜爵闕內侯遷尚書令母年八十詔給扶上殿帝謂諸王

曰使馮勤貴寵者乃此母也

馮奉世

字子明上黨人初學春秋涉大義善兵法持節進擊莎車威振西夏賜爵闕內侯奉世前

後十年為折衝宿將時論歸之子潭野遂立參俱有名

馮灝

郵人初為成都令立文學學徒八百人開稻田八百頃治有異政累官至越雋太守避梁冀隱

居作易章句恬然自終

馮野王

奉世次子為隴西太守以治行高入為左馮翊遷大鴻臚元帝嘗稱其剛強堅固皎然無

欲

馮立

字君卿通春秋徙西河上郡與兄野王相代為太守民歌之曰大馮君小馮君兄弟繼治相因

循聰明賢知惠吏民政如魯衛德化均周公康叔猶二君

馮信

狄為楚道人公孫述累徵托以青盲避不出述敗乃盥洗更祝曰世適平日即清光武召之會

疾卒

馮緄 已郡宕梁人少學春秋司馬兵法安帝時舉孝廉累官車騎將軍平長沙武陵蠻有功賜錢十

萬不受官至廷尉終於家弟兄清白有至行子鸞舉孝廉為郎中

馮魴

南陽人拜郡令賊圍縣舍魴力戰光武嘉之曰此健令也累官司空賜爵關內侯

馮異

字公孫潁川父城人通左氏春秋孫子兵法事光武為主簿光武徇河北值王郎兵起乃馳至

饒陽蕪葦亭天寒眾飢異進葢粥至南宮又進麥飯至信都拜偏將軍異為人謙退諸將論功

異獨坐大樹下軍中號為大樹將軍後封陽夏侯

馮良

南陽人少作縣吏恥在廝役因壞車殺馬裂衣冠而遁積學十許年乃還志行高潔鄉黨以為

表儀

馮衍

杜陵人野王孫幼有奇才大志不戚戚於貧賤嘗作顯志賦以自勵任為陽曲令建武中因日

食上書陳八事明帝甚重其文深加器焉

馮豹

字仲文以詩書春秋教麗山下語曰道德彬彬馮仲文事後母孝謹舉孝廉拜尚書郎累遷武

威太守徵為尚書

三國馮習

字休元南郡人隨先主入蜀為領軍統馭于猱亭死難

晉

馮素弗

慷慨有大志雄傑不羣任俠放蕩不修小節盛藻奇之曰吾遠求騏驥不知近在東隣何

識子之晚也

馮純

安平人博涉經史識悟機辨初任魏為魏郡太守入晉累遷御史中丞終散騎常侍

南馮道根

廣平人。事母以孝聞。郡名為主簿。不就。聞梁文帝起兵，率鄉人從之，為驍騎將軍。攻戰有

功，進爵為伯。能檢御部曲，所至不敢騷擾。戰勝未嘗言功。

唐馮伉

魏州元城人。為醴泉令，著諭蒙書十四篇。後為散騎常侍，領園子祭酒，遷宰相。德宗曰：「前使澤

潞不受幣者，其人清可用也。」遂授伉。

馮中德

樂至人。博學能文，有醇雅之操。後進爭效慕之，不復進取。子婿孫皆登科第。

馮海仁

難澤人。事親居喪，有至行為。鄉人所稱。

馮立

廣州都督。不事家產，衣食不求贏。嘗見貪泉曰：「此豈隱之所酌耶？」吾雖日汲庸易，吾性哉在臍。

有惠愛
卒於官

馮盎

高州涼德縣人始祖馮業自北燕浮海奔宋居新會自業至孫融世為羅州刺史融子寶為高

涼太守盎寶之孫也隨宋康令時潮城等五州
徐叛詔盎擊平之拜漢陽太守隋亡或勸盎自

王盎曰吾居越五世矣常恐忝先業尚敢自王
我武德中授高州總管封宋國公貞觀中盎入

朝諸洞反敕盎帥兵征之其獠
悉平二子知戴知式皆刺史

馮元常

相州人舉明經及第閨門雍睦有禮法神
龍中旌其家曰忠臣之家天下高其節

馮元淑

俊儀令不娶妻子俸餘給
貧窮右善人人稱神明

馮河清

京兆人德宗幸奉天時河清為涇原判官與
知州事姚况集將士大哭激以忠義發甲兵

輸行在由是軍聲大
振拜清安定郡王

馮祥興

序都人兄弟三人皆英武唐廣明中黃巢陷長安嘗募士勤王累功為將軍二弟沒於陣

奉旨歸園盧光稠被黎破家陰刺之投屍羅溪數月不化鄉人以為神遂葬溪南且立祠祀之

馮行襲

字正臣均州人山南盜孫喜欲襲均州刺史呂暉行襲時為州校陰選勇士歛乘小舟逆

襲給云願為前導喜信之乃留其兵江北獨行襲潛行喜為行襲所殺山南節度使劉巨容表

為均州刺史昭宗拜行襲為昭成節度使

馮萬石

聖歷初第進士大定初中嫉惡科神龍初中才高位下科景雲中中懷能抱器科開元初

重考及第六年中超羣拔類科十三年考判入第十六年又入等二十六年中文詞壯麗科凡

九登科選

馮昭泰

鄂州刺史志氣剛勁
不畏強禦異政風行

馮道明

徐人謁雍陶時陶為簡州牧呵曰馮公素昧
平生道明曰誦員外詩仰員外德遂吟曰閉

門客到常疑病滿院花開未足貧
陶延上坐歡狎如平生與之友

馮宿

字拱之正元中陸贄主司試明水賦宿入
第一榜多天下孤雋偉傑之士號龍虎榜

馮定

字介夫宿弟與兄同第進士名播戎夷仕至左
散騎常侍從弟審寬皆擢進士審國子祭酒寬

為起居郎並
以文學推重

五代馮延魯

南唐人銳於仕進然喜言高退事曰玄宗賜
賀監三百里鏡湖今得賜玄武湖亦足遂意

徐鉉曰上豈惜一玄武湖恨無賀知章耳
弟延已正詩子僕侃儀价佞入宋取第

馮暉

魏州人晉天福中拜義成軍節度使鎮靈武推以恩信部族懷惠止息侵奪然後廣屯田以省

轉輸民不加賦管內大治撫

綏邊部凡十餘年恩信大著

馮道

字可道瀛州人少以孝謹聞唐莊宗時始貴仕晉漢周官皆將相不擇可否為人簡儉寬弘滑

稽多智後封瀛王

馮令頽

欽州鹽鐵院判若裨將樊思蘊作亂燒營而火及令頽第叛卒皆釋兵救火其得人心如

此

宋馮京

字當世江夏人式之子也幼雋邁不群父常取其所謂書題其後云將作監丞通判荆南軍府

事馮京式既退十一年舉進士自鄉試至廷對俱策名第一為將作監丞通判荆南如式之言

時人謂式為知子宰相富弼京之婦翁也京拜翰林學士知開封府韓琦為相京數月不一見之琦謂其做以語富弼弼使往見之京謂琦曰公為宰相而京不安詣公者乃所以重公也豈曰做哉論王安石為政更張被謫後以太子少師致任諡文簡

馮瓚

字禮臣歷城人父知兆後唐司農卿瓚以蔭補祕書郎歷漢周累官集賢院直學士宋初轉兵

部郎中善談論有吏才太祖甚寵之擢左諫議大夫乾德三年充樞密直學士知梓州時蜀亡命者為盜瓚擒斬其首餘黨千餘並釋之趙普忌其才密奏其短流沙門島太宗復用之官至大理寺卿

馮拯

字道濟河陽人少以文謁趙普普見而奇之謂曰子位與壽他日若我也太平興國三年及第

為探花太守詩曰二三千客裏成事七十四人
中少年仁宗朝同平章事封魏國公謚文懿

馮熙載

西安人元符初進士累官中書侍郎與時相王黼不協罷知亳州

馮元

字道宗南海人舉進士為江陰尉會詔擇明經舉學官為國子監直講真宗詔元講易泰卦因

推君道至尊臣道至卑而能上下交感所以輔相天地裁成萬物也真宗悅除龍圖閣

馮如晦

安岳人舉進士范純仁帥環慶時有訟純不法詔獄寧州命如晦往訊之力辨其誣富弼

韓鎮有詩

述其事

馮山

安岳人熙寧末為秘書丞通判梓州鄧綰薦為臺官山以不諳新法辭不就退居二十年范祖

禹薦於朝官至祠

部郎中致仕卒

馮安國

字彥修順昌人少力學能文行誼尤高時行舍法非王氏之學不取安國因晦迹於家建

炎中范汝為據富沙籍民降附安國不屈死時人義之

馮光戩

安岳人李順之亂已平諸將縱殺附降光戩曰大將楊瓊止之自是降者日以千數

馮去疾

理宗時知興國軍開定本四書於滄浪亭號興國本

馮友能

南部人官至中書門下平章事一月間上封事數十挺諫不避朝野憚之

馮洽

字深之大治人朱文公門人手錄性理諸書誦說不厭

馮仲曄

知丹稜縣元兵入眉州曄死之

馮檄

知瀘州紹興間詔海外四州與免經界檄抗疏論其不便於是瀘叙州長寧軍皆得免瀘民甚

之德

馮澥

山之子登進士歷官入朝以言事再謫靖康初
名為左諫議大夫累遷尚書左丞紹興中以資

政殿學士致任澥為文師蘇軾論西事忤蔡京
郡人張庭堅以言事斥象州死妻子流離澥力

振其家

馮時行

字當可巴縣人紹興狀元與朱松曾開等極
言和議之非秦檜忌之出知左州諷使者撫

述其罪
遂不仕

馮康國

遂寧人為太學生負氣節苗劉之變張浚治
兵平江先遣康國至杭州說折二凶及浚宣

撫川陝辟為
主管文字

馮繼業

大名人幼敏惠有度量任為靖難軍節度使改鎮定國軍吏民立碑頌其遺愛太平興國

初贈梁國公

馮椅

字奇之都昌人性敏博學舉進士官至江西運幹既而家居授徒所著易書詩語孟太極圖西

銘輯說孝經章句喪禮小學孔子弟子傳讀史記及詩文志錄合二百餘卷

馮初心

字夢得將樂人篤志博學涉畧經史理宗朝歷官給事中遷禮部尚書居官恪謹時號名

臣

馮去非

椅之子淳祐初進士仕為宗學諭丁大全為左諫議大夫三學諸生叩閣言不可下詔禁

戒詔立石三學去非獨不肯書名碑下未幾以言罷歸

馮行已

字肅之元豐五年與富弼等十三人為耆英會馮詩云自愧櫟樗非遠器詳知齒髮亦遐

年

馮平

宋致和中與杜衍王煥畢世長朱貫號睢陽五老

馮允中

字作肅邵武人從學朱熹所論懲創後生妄作之弊甚善熹多許之嘗名其居曰見齋云

馮大亮

見樵叟八人各出柵木一枝才五六寸曰可栽亭中樹徑尺則家財百萬旬月而樹變空

金玉

自至

金馮延登

萍鄉人舉進士為詩文皆有律度興定中累官國子祭酒正大末假翰林學士承旨使元

被留使降不從馳流豐州後放還
歷禮吏二部侍郎汴京陷投井死

元 馮文舉

什邡人舉進士為雲南儒學正提舉時明氏攻雲南文舉謂妻馬曰我元進士蒙厚恩今

軍至有死無貳汝光州馬中丞子孫其從之乎馬氏曰官人既去吾生亦何益遂皆自縊時人

義之

馮子振

攸州人博洽經史其為文當酒酣耳熱命侍者二三人潤筆以俟子振據案疾書隨紙多

少頃刻輒盡仕為承事郎集賢待制號海粟

馮理

字允莊陞陽人貢入太學一夕夢母病覺心惕明日即馳歸見母果母病之日自是遂奉母不

仕往邗得遺金及布坐以待之所著有五經正議四書中說等書

明 馮國用

定遠人器量恢豁喜聞孫武子歲甲午與弟勝率眾來歸上問定天下大計國用對曰金

陵帝王之都願先拔金陵以定鼎然後命將四
征倡仁義以收人心天下不難定也上大悅俾
居帷幄預機密遂定渡江之計取金陵國用最
先登累功為親軍都指揮使卒追封郢國公子
誠左都督
有將畧

馮勝

國用弟襲兄爵陳友諒陷太平勝率敢死士復
之從上克江州陞都護伐張士誠有功陞右都

督北伐屢克捷留守汴梁進克關陝西
平吐蕃征哨極於西北封為宋國公

馮冕

孟縣人洪武初以儒士任亳城縣丞有廉
能聲用薦陞春坊贊善九年遷刑部尚書

馮靖

字寓安績溪人純篤富問學領宣德丙午鄉薦
拜臨城教諭士多造就陞監察御史時挾西罕
東等番以易茶馬而諱朝命帥兵往相機宜夷
民咸裂口咬指而服歲乙巳聞寇鄆茂七既授

首其黨吳金七等據政和偽號九龍大王承命
經理其地設奇擒獲械送京師詔加祿一級文
綺寶鏃之錫陞浙江按察副使廉能
之譽益著成化乙酉懇疏乞骸以歸

馮俊

字士彥宜山人天順庚辰進士初授刑部主事
歷員外郎中折獄以仁恕聞成化己未擢福建
按察副使建寧衛指揮楊暉者席勢貴以私憾
殺數十人有懼其讎楚而詐死入棺以苟活一
時者暉知其狀即令舉火焚之閩之上官以暉
東楊學士孫多庇之負寃者咸飲恨無所控訴
俊臨其地親自訊問旬日獄具疏上其事憲宗
震怒即刑暉籍滅其家歷陞都察院右副都御
史巡撫四川提督松藩諸軍事弘治丙辰俊卒
於官孝宗嗟悼遣官諭祭有司營葬俊天性剛
毅遇事敢為精敏絕人居官日久
惟圖書數篋行李蕭然有如寒士

馮貫

字大用蠡縣人天順甲申進士歷刑部尚書

馮璪

慈谿人父高年失明病在牀蓐凡十五年璪事之惟謹家素貧每食必備甘旨里人王鐸素重璪迺之家塾每有珍味璪輒不食鐸覺之必先餽其父然後饌璪璪始食父有老婢卧病為奉湯藥如事所生或訐之璪曰吾父存日賴其周旋忘之是忘吾父吾豈忍知縣賈與雅重其行欲訴以聞璪曰此子行之常若以希褒錫是市名也力辭

馮傑

字秀夫直隸涿鹿人登弘治丁未進士初為諸城知縣有才幹尋擢臨清守興學振俗賙窮擊悍發奸擿伏見事風生一無留滯後陞四川按察副使征寇死於節民立去思碑

馮清

字汝陽宛平人弘治癸丑進士歷侍郎

馮厚

字良載，慈谿人。坦易不設機，宰別號坦菴先生。三月而孤，比長事母至孝。舉明經，授學官。歷遷

淮王府長史，嘗集文翰類選大成，凡一百六十卷，以資啓沃。善詩文，多著述。有洪菴、藁中都

藁、南陽藁、測蠡管見

春秋早論藏於官

馮吉亨

字伯通，慈谿人。操履純篤，德性溫恭。由進士試兵科給事中，辭不就，乞補教職。授龍泉教

諭，澹泊自守，立教有法。約人以禮，士風丕變。比九年考績，將遷，又辭改青州，教授守身訓士一

如龍泉學者，翕然宗之。致仕歸隱於慈湖之南，稱湖南居士。年八十一而卒。

馮忠

字原孝，慈谿人。少孤，力學工詩詞。古文第進士，為刑科給事中，轉員外郎，奉使陝西，使回陞忠

為揚州守。忠蒞官不事炫飾，政簡而肅。轉彰德知府，郡有韓魏公祠，舊為僧尼所據，忠逐而復

之勒文以記告謂其文可並
羅池廟碑所著有松楸集

馮績

平度人由進士授兵部主事時山海關巡撫非其人績劾罷之改戶部監通徐二州租稅總管

上會內艱歸服闋賑陝右饑民賴以安全擢山

西右布政累遷甘肅巡撫都御史

馮涇

字伯清慈谿人性孝友登第後以外艱歸哀毀骨立埋葬事必誠必信事母惟謹仲兄病躬為

治藥不忍一日違服闋授禮部主事轉員外郎居官淡泊不異寒素大宗伯毛公署其考曰無

華之性惟誠惟篤有立之志克慎克勤武宗南狩涇偕其僚諫上怒罰跪五日杖之於朝傷重

而卒今上嗣統憫念忠義特令有司優恤給米喪葬

馮志

字行甫慈谿人清方寡諧出守汝寧豪滑斂跡武宗南狩蹕次不常榭報所至皆儲上供物又

前途賄諸嬖倖志獨不為休備具簡不致珍異既取道維揚節無虛費竟以勤直忤上官得河東轉運不踰年遂歸市宅僅容身布衣藿食適如也

馮惟健

字汝至臨朐人方弱冠文名嶄嶄起聲聞士林戊子領鄉薦七上春官不第既黜齒於時

竒思健氣溢為詞章詩賦得之漢魏騷選為多近體似開寶以上名家書啟諫贊超軼峻整使出晉宋人口皆成竒語至於叙記諸篇命意深厚數言爾雅不類文士之詞所著有陂門山人文集若干卷

文集若干卷

馮衢

字遂亨烏程人嘉靖間以歲貢授巢縣訓導為人質直剛方見人有過即面正之無瞻前顧後

之慮有同僚徐姓者指甲太長即取刀翦之有門生張姓者衣袖太寬即取刀裁之上司聞之以其能正風俗稱賞不已獎勵語曰裁徐同僚長指甲以其不近人情去張門生大衣袖以其暴珍衣物致仕歸有司敦請鄉飲力辭壽八十三而終

馮履祥

字君德慈谿人生七八歲即警悟好讀書嘉靖壬子補邑庠弟子員歲丙辰四月十一日

倭賊卒犯縣履祥隨父出奔賊逼斷父左手且裂其背履祥以身蔽之泣訴曰此吾父也願無加害寧殺我賊竟刃之死其妻袁氏遁於靈山時孕已彌月迨十七日夜夢一紅面神告曰爾夫為父死不可使無後吾當與汝一子產時無恐次日婦果生一子又值倭寇將入賊馬皆止策之亦不前賊不越竟而回一方稍輯人謂靈山駉騎大將軍神處之庇與得兒夢符蓋履祥

孝感所
致云

馮惟訥

字汝言臨朐人嘉靖戊戌進士歷官陝西左
布政使博學有文與弟惟重惟敏咸以才士

之目

馮堅

洪武初任南豐典史上書言
事稱旨擢為左僉都御史

馮庸

字定之蘭州人敦德尚行通春秋傳子史手不
釋卷國家典故一一手錄成帙言談必根道義

行檢必循禮義恬
靜自守不事干謁

馮貴

字孟敬武陵人性剛直平生以忠義自許第進
士授兵科給事中彈劾無所忌陞交趾布政司

左叅議夷酋黎利叛勤設方畧屢著奇勛與黎
利兵對敵奮不顧身力不能支乃曰忠臣不事

二君有死而已遂遇其害洪
熙元年贈交趾左布政使

馮誠

浮梁人永樂進士知香山縣威而不猛寬而
有制大得民心擢監察御史歷湖廣按察使

馮昱

字景陽山東濮州人成化中為河南副使時藩
府承奉有卞姓者頻出督租至縛民妻孥而裸

辱之民積怨將作亂昱乃單騎率數卒縛
卒數其罪仍疏於朝詔以法治之民乃安

馮允中

字執之郴州人起家甲辰進士擢監察御史
按兩淮能振憲度洗宿蠹籍籍有聞繼按蘇

松節費裕民民咸德之逆瑾用事怒其守正不
阿矯旨逮獄文致厥罪免歸因致疾卒在揚刻
肺髮甚自序有君子嗜義而殞身小人
貪得而苟免之語人謂其允蹈之云

馮榮

華亭知縣賊陷華亭榮不屈被囚王師既復華
亭主將以其民從亂欲屠之榮力爭曰民由迫

脅必欲加兵榮請先死之主
將義其言從之民得免死

馮震

慈谿人嘉靖中拜監察御史按治湖廣持憲體恤刑獄公明正大不為烜赫之政而吏民畏服

豪右欲迹以名御史稱

馮祥

蒲州人輕財好義損斥佛老冠婚喪祭亦遵朱文公家禮鄉人咸取則焉薛文清贈以詩云忽從鷩襟見真淳誰道今人不古人四海每宗朱氏教一門嘗接孟家隣此可以知其人矣

馮世雍

字子和江夏人生而穎異博洽羣書才情贍麗工書及詩尤善為古文辭弱冠第嘉靖進士累官吏部郎中出守臨安徽州二郡有惠政雅好恬退家居二十年足跡不至公府人咸慕

其文學而重其高潔焉

熊 江陵宮音楚鬻融之後又黃帝有熊氏

周 熊渠子 楚人夜行見卧石以為虎射之
沒鏃視之石也復射矢躍開

熊宜僚 楚人白公勝欲殺子西謂石乞曰市南熊宜僚可當五百人石乞告之固辭承之以劍不

可勝曰不可利誘亦不威剔去之也

漢 熊喬 字伯峯春陵人初平中辟為曲江長
雍容蒞事聽覽如流詔拜騎都尉

熊尚 零陵人拜綏民校尉人領曲江
居五年去官尋詔拜騎都尉

三 熊僧循 徵士

熊睦 吳尚書

晉熊遠

字孝聞豫章人少有志尚朝臣勸帝親征杜弢遠嘗上疏諫止會弢平拜從事中郎累遷至散

騎常侍帝每歎其忠

南熊安生

字植之仕齊為國子博士通五經周使尹公正問禮質疑一一演說聞周主入鄴遽令掃

門己而果幸其家執手同坐給安車駟馬留宿內省乃歸

熊襄

南齊人著齊書名為河洛金匱

熊袞

為魏尚書以孝感天而錢三日

唐

熊曜

南昌人剛直有詞學與達奚珣王淮為文章之友開元中進士及第為貝州參軍

熊執易

為右補闕時裴延齡得幸德宗欲遂以相執易疏論之以示拾遺歸登登動容曰願竄吾

名雷震之下君獨難處

熊望

實歷
登科

宋
熊皎

號九華山人工詩早行云山前猶見月陌上未
逢人山居云深逢野草皆為藥靜見漁人恐是
仙

熊大經

嘉定間為建陽簿視篆之始迎親未至遣使
馳香炬慶親度八袞之壽自製酌江月一曲

以
獻

熊節

字端操建陽人甫十歲讀易日誦二卦即知問
難慶元中廷對條陳三德累官通直郎有性理

羣
書

熊蕃

字叔茂善屬文長於吟詠宗王安石之學分
章析句極有條貫築堂名獨善號獨善先生

熊本

字伯通鄱陽人慶歷間舉進士神宗曰熊本有文當遂與詰命除知制誥孫彥詩宣和中第進

士

熊克

字子復遠之孫建陽人著書有九朝通畧中興小厯官制新典帝王經譜塔王克勤狀其行實

曰文有顏延之錯綜之工史有陳壽敘事之長牧民得曹參清靜之旨制行適徐公通介之常

熊飛

東莞人有武畧善騎射時宋末勤王附文丞相麾下斬元將黃世雄復廣州元將呂師夔兵至

飛城谷戰
敗赴水死

熊義山

安鄉人累官萬戶至正間倪文俊兵至執縣尹張繼和義山保障黃山一縣獲安越二年

文俊襲執之逼使速降義山罵不絕口文俊大怒剖其腹而死

熊剛大

建陽人少穎敏從蔡淵黃靜游問學精專而操志篤至所著有詩經註解性理小學集解

熊兆

字世卿建安人受業於朱子隱居弗耀自號半逸子

熊采

建陽人寧武州參軍入元不仕學問至老不倦著易講義書說標題四書及輯翰墨全書行世

熊彥昭

淳熙中佐郡事歲歉發倉以賑飢民治為江東之最

熊彥明

知吉水縣隣賊犯境彥明率五鄉民兵與戰遇害民為立祠祀之

熊仁瞻

丁母憂哀毀廬墓慈烏來巢天厯中旌表其閭

熊知至

字意誠建陽人博學工詩天聖中五舉不第歸隱蒼峯嘗觀海有句云岸上猶哀懼舟中

爭得安又趣下觀燈云樓臺上下火照
火車馬往來人看人詩頗得唐人之趣

熊朋來

豫章人咸淳進士授寶慶僉判國亡遂隱居教授講明經義考古篆籀文字調律呂協詩

歌以興雅樂學者
稱為天慵先生

元
熊復

豐城人以五經教授鄉里四方來學者常數百人
以明經舉進士者衆著春秋成紀以惠後進

熊凱

南昌人精義理之學以明經開塾四十餘年時稱運溪先生子東造詣尤高遠從游者益衆同

邑熊良輔授學於凱善屬文所著有
易傳集疏風雅遺音小學入門等書

明
熊鼎

字伯穎臨川人洪武初召論樂忤旨鼎奏曰樂和不在外求實在人主一心君心和則天地之

氣和樂亦和矣太祖嘉之宋濂
薦鼎可傳東宮授翰林學士

熊槩

吉水人永樂進士歷官左都御史
鋤治豪強剛方不撓為時名臣

熊鍊

字學淵進賢人宣德庚戌進士歷陞湖廣提學僉事秉性剛直不避權勢以正本淳行為先士

民畏愛後遷廣

西布政司叅政

熊尚

初宣德間任福建泉州府會都茂七猖獗鎮巡檄以監軍賊勢逼境閩帥危懼尚初歎曰受

命一方本以安民寧一人受害無致下民受殃遂單騎出城為流矢所中卒有司嘉其忠配享

忠臣

廟

熊景

字開甫南昌人成化己丑進士授刑部主事屬部多大獄部長史鞠之恒為閹豎以出入景執

法一不為動摧廣西僉事都御史朱節檄景當得桂諸獠類而獸性動必以死逞靜則踰伏不見蹤跡景乃陰遣人商服鹽抵獠所獠不疑集問虛實答曰吾商人也不知新按察司

何人然見其方器具若古壺狀者十數實石其中室以巨木計曰搖出降出庸發此不然當破

大藤峽者也猛人懼白首首
即日請降尋以母老告休

熊繡

字汝明道州人成化進士歷都御史探廟康潔自甘蔬布憂去平居山中生事蕭條俯仰益恬

贈尚書

謚莊簡

熊翀

光州人成化進士歷南京刑部尚書與熊繡齊名

熊浹

字說之南昌人正德進士歷官吏部尚書忠誠直亮為太宰執法不阿因論其仙不足為崇信

刑籍卒隆慶間

贈少保謚恭肅

熊蘭

字天秀南昌人正德進士授行人擢御史逆濂將敗密與同年御史蕭淮言之遂發其謀濂果

反不踰
月敗

熊坡

涇陽人字瑩之貢士性孝母疾籲天願以身代
沒廬墓父喪亦然有烏巢樹有狼守廬至旦始
去盜至知其孝
遺布二端而去

熊汲

字引之南昌人嘉靖丙戌進士歷官刑部郎中
法家稱為明允以部史左遷台州推官歷知湖
州府慈詳誠慤不事矯飾而政尚平
恕百姓愛戴之終廣東布政司叅政

熊桴

湖廣武昌人嘉靖進士授太倉知州當倭奴之
變有新獲功陞蘇松兵備僉事血戰屢捷歷都
察院右僉都御史巡撫
山東蘇松立生祠祀之

洪

徽煌角音共工之後避仇改為洪又望出宣城豫章

三國 洪矩 宣城人 廬江太守

唐 洪經綸 德宗建中元年命為河北黜陟使 父與起居舍人 祖察本姓弘氏 居常州 改姓洪

洪子輿

睿宗時為侍御史 姜晦時為中丞 諷子輿勅韋安石子輿不從

宋 洪湛

上元人 幼好學 五歲能詩 舉進士 通判壽許州 知容 郴 舒州 真宗時凡五使西北 議邊要有文

集十卷子 鼎中進士官 至度支員外郎 直史館

洪師民

豫章人有四子 俱負才名 號四洪 黃山谷甥 長洪朋 字龜父 有詩句可傳 次芻 字駒父

第進士 放蕩江湖 不求聞達 詩千餘篇 有前後老圃集 靖康中為諫議大夫 坐事貶海上 次炎 字玉父 登第於元祐末 試吏於紹聖 初顯於宣和 貴於紹興 官至著作郎 祕書少監 重聽上曰世

人皆聳於心臣獨聳於耳心則了了惟上所使
次羽字鴻父元符末入黨籍遂終其身紹興間

朝廷官
其一子

洪皓

字光弼樂平人少負奇節有經畧四方志博學
強記政和間舉進士建炎初假禮部尚書使金

留北十五年不為少屈還陞徽猷閣直學士提
舉萬壽觀以忤秦檜安置英州後徙袁州卒謚

忠
宣

洪渥

臨川人舉進士有文名監城茶場以
死清貧不能歸葬其孥遂家於麻城

洪忠

仙遊人慶厯初賞造風亭沙溪等凡七所校書
郎陳高紀其事蔡衷使本路以勞績奏敕賜本

軍助教蠲其役孫
範大觀中登第

洪适

皓長子幼穎悟日誦三千言紹興間與弟遵同中博學宏詞科擢秘書省正字後秦檜惡皓适亦論罷檜死復起嘗總領淮東軍馬錢糧究心調度饋餉無闕官至高書右僕射兼樞密使卒

謚文

惠

洪遵

皓仲子立志苦學試制科中魁選擢秘書省正字紹興末拜起居舍人後知平江金人由海道窺二浙助副總管李寶禦之成功孝宗時拜同知樞密院事後知建康府有惠政以資政殿學

士提學洞霄

官卒謚文安

洪邁

皓季子亦中博學宏詞紹興末假翰林學士使金書用敵國禮金人怒鎔使館後得還孝宗即位拜中書舍人直學士院後知建寧婺州紹興皆有善政以端明殿學士致仕謚文敏

洪清臣

字直侯長溪人建炎進士為人篤厚誠懇居官以清白著聞時邑有火災清臣默禱于中

庭既而四隣皆燼其家巋然獨存人以為清操所感官至朝散大夫知邵武軍

洪天驥

字逸仲晉江人淳祐進士任建寧尉發奸摘伏當官無所回撓每以文章課邑士士皆知

所向方累官知潮州

洪芹

適之曾孫端平間舉進士為大學博士遷將作少監屬詞臣無可上意者宰相程元鳳薦之東

翰林權直秘書少監累官禮部侍郎中書舍人立朝慷慨敢言有節量

洪造

丹陽人舉進士授歙縣尉方臘亂造拒之為賊所殺璽書褒美之

洪彥華

字叔炳淳安人天資樸茂學問該洽登淳熙進士居常自晦言行如一蒞官治民專務德

化其宰恭陵值歲歉悉心撫字民無流亡時真
文忠公德秀嘗薦之累官至朝請大夫知興化
軍

洪琰

字叔毅淳安人與弟璞同登紹熙元年進士琰
主南陵簿理縣事歲早郡官履畝不以實飢民
嘯聚琰從容麾散尋遷盱眙司法青平盜起琰
致渠畷斬之盜即潰散改清江決獄如神人咸
服之

洪璞

字叔玉淳安人仕為鎮東節度推官陳備邊八
策楊慈湖薦之曰守官數十年而無屋可居舉
家三百指而無田可養其廉
介如此兄琰亦有學行稱

洪擬

丹陽人舉進士宣和中為監察御史時蔡京用
事擬中立無所附會後遷至吏部尚書卒謚文

憲

洪興祖

字善慶紹興中與孔端明張炳周林四人俱召試上覽策曰興祖蘊直當第一遂與孔並

除祕書省正字張

周與諸州學官

洪中孚

休寧人為成都縣簿鵬門蠻叛蜀帥以屬中孚中孚親呼酋長諭以禍福令自歸服人以

謂其膽大於身後以

龍圖閣待制致仕

洪彥昇

字仲達樂平人元豐間登進士第累遷殿中侍御史孤立任言責論蔡京朋姦誤國及論

何執中呂惠卿等條

撫其過後遷給事中

洪咨夔

字舜俞於潛人嘉定初進士歷官監察御史論權歸人主政出中書天下未有不治又言

講明聖學六條進刑
部尚書翰林學士

洪天錫

字君疇晉江人寶慶進士累官端明殿學士卒謚文毅天錫言動有準繩居官清介臨事

是非不可回折弟
天驥登淳祐進士

洪文撫

建昌人六世同居宋太宗賜其家御書飛白一軸曰義居人以賜之命弟文舉為江州助

教又旌
其門

洪沂

慶厯初知都昌縣教民以陶瓦代竹民安物阜政事一新邑人為立坊名曰新政

元洪儁

饒州人皓之裔也授江州路建昌令再授廣州路清遠令知世代將易掛冠不仕儁四子二女

過淮訪舊經蘄之黃梅悅山水環秀
買田築室隱居於此子孫世家焉

明
洪堪

字子興淳安人登洪武進士第授監察御史以年少辭俾冠豸暫歸候長永樂初召入臺彈劾

不避權勢風節凜然同寅有遺雙白鵬者堪却以詩曰白鵬本是山中物何事飛來到栢臺其

廉介類

如此

洪英

字實夫懷安人永樂中會試第一學問宏肆端謹著稱歷官左都御史

洪鐘

字宣之浙江錢塘人永樂進士正統中以兵部尚書兼左都御史總制四川軍務謚襄惠

洪璵

淳安人永樂進士吏部右侍郎毅然以進退人才為己任人不敢干以私

洪祥

字士高黃梅人性渾成無疾言遽色事親孝養備至服勞終身不怠父友璋病癘延年餘起卧

粥餌衣被垢穢必躬治之未嘗解帶於左右祥喜讀書明義理死生利害了無疑滯值暴雨或

勸急行笑曰不免一身濕年九十七終
里閨評祥有隱德因號曰隱德洪先生

洪鍾

字季和崇仁人四歲能書大字舉神童補翰林
秀才年十八舉永樂進士授中書舍人陞禮部

員外郎年二十七卒清才
不壽士林惜之子熊進士

洪順

字遵道懷安人永樂進士改庶吉士引見上親
勉以立志進學授刑部主事仁宗監國稱其康

潔持法歷
按察使

洪弼

字士直嚴州人璵之孫也景泰二年進士授監
察御史擢湖廣按僉適常德辰沅飢都御史白

珪檄弼賑濟募民分粟仍給牛種多所全活靖
州徭叛弼設畫經畧擒其首惡餘黨悉平迺福

建按
察使

洪範

字邦正金谿人成化進士弘治中知嘉興縣有才畧平易簡當若不任事者一遇事明徹如水

玉敏捷如神明鋤強抑弱廉靜寡欲大類楊繼宗人歌之曰洪令楊守承前啓後終提學副使

种

河陽宮音仲山甫之後避仇改為种

种嵩

字景伯洛陽人父遺財三十萬嵩悉以賑恤宗族邑里之貧者順帝時舉孝廉為侍御史糾奏

稱職累遷南郡太守入為大司農會匈奴寇邊擢為度遼將軍嵩誠心撫綏由是羌人順服卒之日邊人咸為發哀單于入朝望見墳墓輒哭泣祭祀

种岱

字公祖嵩之長子好學養志舉孝廉茂才辟公府皆不就

种拂

字應伯獻帝時為太常李傕郭汜之亂長安城潰百官多避兵拂揮劍而出曰為國大臣不能

止戈除暴致使凶賊兵刃
向宮去欲何之遂戰而死

种劭

字中南獻帝時為侍中董卓惡之出為益涼刺
史會父拂戰死竟不之職曰我父昔以身徇國
吾為臣子不能除殘復怨何面目朝覲明主哉
遂與馬騰等共攻宦汜以報其仇軍敗皆死

种輯

越騎校尉授
密詔誅曹操

宋种放

字明逸洛陽人七歲能文與母隱終南山以講
習為業從學者衆太宗召之不起賜錢養母毋
卒復賜錢帛助喪召授左司諫寵賚甚厚尋乞
歸山後數召至詢問據經以對頗多裨益從祠
汾陰拜工部侍郎徙居嵩山祥符八年一日晚
起服道衣聚諸生列飲取平生所作文藁焚之
酒數行而逝壽六十不
娶無子贈工部尚書

种世衡

放兄子字仲平少尚氣節以放蔭補將作監主簿嘗知青澗城及環州以控夏人在邊數

年積穀通貨善撫養士卒以故得人死力及卒羌酋臨者數日青澗及環人皆畫像祠之子詒

諤診皆有將材時號三種誼其幼子也孫朴師道師中亦為名將

种詡

洛陽人初為吏部郎清白勤慎卒於官子放

种詒

字太質世衡子以父功錄為天興尉累轉西東左藏庫副使知原州羌人犯塞詒禦之斬首數

百級後知鎮戎軍熙河師十萬道境上須芻糧詒皆給之

种諤

字子正詒之弟以父任累官左藏庫副使延師陸鏡薦知青澗城時夏人四萬衆坐集傳城而

陳諤鼓行而出追擊二十里俘馘甚衆遂城綏州

种誼

字壽翁諤之弟熙寧中兄詒入對神宗問家世命誼以官尋知岷州鬼章誘殺宋將後益自矜

大有窺故土之心誼上疏請除之詔誼與姚兕合兵出討羌迎戰擊走之鬼章就執轉西上閣

門使康州刺史官
至保州團練使

种朴

諤之子以任右班殿直累遷熙河蘭會鈐轄兼知河州時蕃部叛屬羌阿章入寇帥胡宗回使

朴討朴至州纔二日以賊鋒方銳且盛寒欲姑徐之而宗回馳檄至六七不得已遂出兵羌知

朴來伏以待朴遇伏首尾不相應朴殊死戰為賊所殺事聞贈雄州防禦使官其後十人

种師道

字彞淑世衛之孫也知兵有謀宋靖康中金人圍城師道以河東河北制置使將援兵至

闕入對為戰守之計除同知樞密院京畿宣撫使

种師中

字端孺世衡之孫也徽宗時奉寧軍承宣使為金人所襲五戰三勝既而敵悉眾攻左右

軍皆潰師中獨以麾下死戰身被四鎗力疾鬪死詔贈少師謚曰莊愍

种師閔

行營使

明

种養正

鄱陽人永樂舉人訓導

种善

高城人永樂舉人龍門教諭

种祚

冀州人正統中永州府推官

种雲龍

咸寧人舉人正德中任南宮知縣廉靜有為民甚德之

終

南陽徵音陸終之後以王父字為氏又望出濟南

漢終萇

高密令

終寵

丹陽人延康中南郡太守

終軍

字子雲濟南人辨博能文武帝朝年十八選為博士弟子初軍步入闕閭吏與繻軍曰大丈夫

西遊終不復傳還弃繻而去後為謁者給事中建節東出闕閭吏曰此前弃繻生也累擢諫議

大夫後使南越卒時年二十餘世號終童

唐終郁

杜詩有賀終明府郁詩

宋終慎思

苦志力學友董儲以書薦於士人之富者不遇取書歸董啟云魯箭高飛謂聊城之必下

秦都不害懷趙璧以空歸

終往

秘書舍人

明終其功

城固人永樂中以譯字生任鴻臚寺簿使朝鮮

戎 江陵羽音戎姓同齊人戎夷之後又望出扶風

周 戎州

衛莊公上城見戎州曰戎虜何為是戎州病之告簡子因圍衛莊公出奔

漢 戎場

功臣柳丘侯

唐 戎昱

荆南人至德間以文召登進士衛伯玉辟為從事嘗著元戎出塞詩京兆尹李鶯欲妻以女命

改姓昱拒之德宗建中
間歷任辰處二州刺史

宋 戎益

順德人紹興間任平江值歲飢勸率上戶得上戶米一萬七千有奇民賴以生

明 戎廉

江都人洪武初貢士何源訓導

戎府

壽州人弘治中安陵知縣

嘉靖間舉人戎國振寧波人任
知州戎來賓寧波人任通判

叢許昌

南叢鐸許昌人涿州刺史

明叢蘭山東文登人弘治進士南工部尚書叢佳字彥夫如皋人嘉靖貢士淳安學訓導

叢文蔚南錦衣入隆慶戊辰進士任烏程縣知縣卒於官

萬歷間中書舍人叢德叢文光叢文輝俱蘭之後

衷望出汝南今豫章東莞多大家其在豫章者有衷景元守豫章因家焉後三子避亂居寧都賜姓衷

五代衷愉寧都人本衷姓任南唐以慶賀不便賜姓衷官至檢校禮部尚書南唐降宋去官歸山

明衷世用嘉靖乙酉南昌衷世用以衷姓中式上疏請從賜姓歷涪州知州後衷一貫中嘉靖辛酉

舉人嘉靖己未進士袁貞吉號洪溪南昌人歷官南京兵部尚書

袁時徽南昌人中萬曆己卯經魁袁允元南昌人中萬曆戊子舉人

宮 太原羽音奇虞大夫宮之奇之後又望出河東

周宮之奇

虞人也晉荀息以垂棘之璧與屈產之乘假道於虞以伐虢之奇諫曰虢虞之表也輔車

相依唇亡齒寒之謂也公不聽之奇以族行晉滅虢遂及虞

宮滔

孔子曰獨居思仁公言仁義一日三復白珪之玷是宮滔之行也

漢宮崇

琅琊人順帝時上神書百七十卷

南宮延和 魏人

唐 宮志暉 河東令殿
中侍御史

宋 宮詠 齊州人
登第

宮聲 海州人

明 宮好禮 莒州人 洪武中以人材任
雲都縣知縣長於幹濟

宮志 永樂間魚臺知縣為人廉能善於
撫字後以秩滿邑人再四奏留之

宮敏 日照人永樂
舉人府通判 宮聚 正統間總兵征
雲南思機發

宮端 壽州人正統
間山東都司

宮顯 樂至人成化中舉人知渭南縣
愛民不為岐岐之行百姓愛戴

宮安 山陽人累官廣東按察僉事持憲嚴明致仕歸
囊橐蕭然家居十餘年足不及公府都御史王

竝雅
重之

弓 太原羽音魯大夫叔弓之後以王父字為氏

漢

弓趾

光祿
勳

弓林

安陵人與方
望立孺子嬰

三國
弓翊

博陵太守曾孫逸唐陳倉令生羲之達之羲之
德州刺史生志和志弘志元彭祖志弘陳州刺

史生嗣宗禮部員外郎嗣業洛州司馬志元右
金吾將軍相州刺史彭祖楊府長史蒲州刺史

生嗣初嗣說嗣
初為雍州司功

明

弓蓋

宣德間舉人任
知縣固始人

弓弼

江浦人正德中
清豐縣教諭

弓元

字大方江浦人正
德間進士任御史

同

漢同典閔 晉寧人

唐同谷 威縣人

五代同善 前涼將軍

元同恕 奉元人祖昇父繼先皆博學能文恕學無不該仁宗以國子司業三召不起嘗以太子贊善召

至歷陳古誼後拜集賢學士以老病辭歸

明同清 長安人永樂中舉人授翰林五經博士

同蠡 文陞人正統間任邵武知縣廉慎愛民鯁直不阿

同子俊

四川人宣德中巴陵知縣

同庸

宣德間舒城縣教諭

同邦彥

華州人正統間平衛經歷

紅

平昌宮音楚元王子紅侯劉富之後

明

紅尚朱

陽曲人正統中任鄭西縣丞

通

西河商音巴大夫食采通州因氏焉

明

通仁本

香河人宣德中任山西朔州判官

充

贊皇宮音漢充申仙人充向之後

周

充虞

見孟
子

漢 充申

風 伏羲之後魯僖公母須句國風姓女故曰成風

上古風后 黃帝時為侍中

風胡 識劍人

鴻 大鴻氏之後

周 鴻聊 衛大夫

漢 鴻安 成都人與嚴君平友善作君平謀云無營無欲澹然淵清

明 鴻佑 樂安人成化中任樂昌丞
鴻通 萬厯間廣東廣州衛千戶鴻達會同人

中 見姓苑

周中期 秦昭料魏將如耳無能不如芒卯之賢左右皆曰然中期撫琴而對曰王之料天下過矣

漢 中昌 中猛 中涓 中弘

中翁游 中寄 中京 少府

忠

漢 忠譚

明

忠仲簡 洪武初任刑部郎中

忠睦 交城人宣德舉人

忠嶽 北流人嘉靖中海豐丞

工

漢 工里彈

宋 工稜 大觀人成
都進士

工祖孫 眉州人
紹興進士

攻

漢 攻生單

功

晉 功景 見風
俗通

隆 南陽宮音

明 隆俊 邵武人
永樂舉人

隆成 利津人
宣德中舉
南宮縣知縣

大正五年

萬姓統譜

四十三

隆英

利津人舉人宣德中知南宮縣事敦朴節約有古循吏風時有神武二衛指揮持牒至縣占地

下屯公絕不為禮毅然爭曰吾縣無隙地惟吾廳事前地乃隙耳此外皆吾民常業不敢聞命

二使知其廉介不可奪乃舍之而去擢監察御史

隆琦

利津人成化中泰興縣知縣

隆錦

貢士弘治任山東諸城縣知縣

茂

官氏志茂菴氏改為茂氏

春秋
茂律

崇
吳郡商音崇文虎周文王滅之以國為氏

唐
崇穎

開元
登科

宋

宗齊鮮

遂寧人端平進士

宗禧

嘉定進士

宗大年

字靜之景祐進士慶厯中知青田縣民貧無以納和買州符追縣吏大年悉令候冬熟納

足民感其惠政

明

崇剛

揚州衛都指揮使靖難兵起剛練兵繕濬城濠兵至城守晝夜不解甲同列懷二心者忌剛不

敢發後被執不屈而死

崇高

富塗人永樂間貢士任知縣

蟲

漢 蟲達

功臣曲成侯

欽定四庫全書

萬姓統譜

四十四

僮 山陽即童也或從人以別其族也

漢 僮尹 丹陽人舉孝廉
拜交阯刺史

僮和 蘇州刺史能巨俗
信民遷武陵太守

三 國 僮芝 丹陽人廬
陵太守

彤 本彤字改為彤

明 彤浩 乳源人永樂中
三水縣學教諭

彤鎧 懷遠人正德
中南昌千戶

彤澄 成化間泉
州千戶

全 與同同

明 全希顏 涪川人洪
武舉人

全執 祥符人永
樂舉人

全宇

秦州人洪熙舉人

全彤

襄城人宣德舉人任教諭

全蓋

安邑人弘治間舉人

全寅

山西安邑人少警而聰警學京房易占斷多奇中名聞四方正德間客游大同上皇北狩遣大

監裝當問寅寅筮得乾之初九奏曰大吉可以賀矣庚午中秋還駕後七年必復辟已而恚如所言石亨有他寅力止之錦衣指揮盧忠誣告南宮請卜於寅寅以大義叱之曰是大凶兆忠大懼佯為風狀二事尤為人所敬服

嘉靖間湖州府通判全社睢寧人

嘉靖間真定府通判全寵涇川人

蓬

周封夫子於蓬州因以為氏

漢

蓬球

北海人出
酉陽雜俎

衆

周有衆仲衆父因以字為氏

周

衆仲

言州吁
必敗

雄

舜七友雄陶之後以名為氏望出廣陵

周

雄陶

舜後

宋

雄飛

眉州人政
和進士

冲

明

冲敬

狻

音嵩出海篇直音

鵠

音雄見直音

胤

音胤見千姓篇

融

南康宮音祝融之後

桐

神仙傳桐君為廬煮藥白日飛昇

萬姓統譜卷一

躬 姓苑云人姓

鄭 音重出直音

崧 見姓苑史記有崧極玄子

侗 見韻會

逢 扶風切 燕國官音見姓苑與三江逢字二音

芑 見姓苑

鄭 曹公諱封于鄭

使 音東出海篇直音

欽定四庫全書

子部

萬姓統譜卷

二五
五

詳校官中書 臣 徐志晉

主事 臣 祁韻士覆勘

總校官知縣 臣 楊懋珩

校對官中書 臣 陸 湘

謄錄監生 臣 許思光

欽定四庫全書

萬姓統譜卷二

明凌迪知撰

上平聲

二冬

佟

南
北
佟萬
遼東人以
文章知名

明
佟珍
字時貴成化進士遼
東人歷官吏部郎中

佟應龍
遼東人正德進士
歷官知府

佟登
遼東人嘉靖
中府右都督

封渤海宮音炎帝之後封鉅為黃
帝師因氏又望出河間武陵

夏封父侯國
君

漢封芟明帝時為侍中五代孫
仁澤晉時侍中生挫捺

封武興舉孝
廉

封觀南頓人字孝起有志節嘗舉孝廉以兄名位未
顯恥先受之遂稱風疾暗不能言後數年兄得

舉觀任郡
為功曹

晉封孚字處道外總機事內參密謀雖位
任崇重謙虛博約甚有大臣之體

南封延伯字仲連三世同財為北州所
北附為梁郡太守有高士風

封孝琰

字士光修飭學行有風儀位祕書丞奉
裁自立成儀閑雅容止退人皆慕之

封回

渤海人歷度支都官二尚書鄭雲為安州刺史
請回問安州興生何事為便回曰御荷園龍靈

位至方伯宜思方畧以濟百姓如何問興生乎雲慚失色

封子繪

渤海人神武時為平陽太守晉州北界霍山
舊號千里徑者山坡高峻每大軍往來苦之

子繪請別開一路
旬日而就民便之

封述

渤海人初為御史遷大司馬清河王辟為記
室叅軍以才幹稱神武初與李獎等奉命充大

使巡省方俗問民疾苦齊天保年除
清河太守遷司徒左長史行東都事

封軌

字廣度回族弟累官廷尉少卿以務德慎言修
身之本奸回讒佞世之巨害乃為務德慎言遠

佞防奸
四戒

封隆之

曰長子寬和有度量歷事五帝凡四秩
中再為吏部尚書一為僕射四為冀州

封倫

字德彝年方少勇虛思道曰吾兒識畧過人當
立致卿相貞觀中拜僕射隱刺之亂數進忠策卒

贈司
空

封敖

字碩夫冀州蔭人元和中進士累官翰林學士
屬辭瞻敏語切而理勝武宗使作詔慰邊將曰

傷居爾體痛在朕躬帝善其
意賜以宮錦進尚書右僕射

封常清

才果無疑事勤儉耐勞苦安祿山反大言于
上自任平賊募市井庸保六萬守河陽橋大

敗勸高芝守潼關凡三表陳賊
形勢皆不報與仙芝俱見殺

宋封磨 雅州人元祐進士

封庠 懷州人觀中舉人大

封南譽 南海人登嘉熙進士

明封益 洪武中舉人任戶部侍郎

封孜昶 江西人永樂進士

封庫實 陝西人永樂進士

封祥 四川人宣德進士

宗 京兆宮音周大夫宗伯之後以官為

東

周宗樓 齊人

宗魯 衛人

漢宗慈 安衆人舉孝廉不就嘗與八顧之號後為修武令時太守出自權豪取貨賂慈遂弃去南陽羣

士皆重其義行

宗資

南陽人延熹中為汝南太守署范滂為功曹凡政事悉委任之人歌曰汝南太守范滂博南陽

宗資主

畫諾

宗如周

為如州官有訴如州官宗愨曰敢呼吾名訴人謝曰只言如州作如州不知如州官名如

州早知如州官名如州不喚如州作如周宗笑曰今爾自責見侮乃深

宗廣

光武時任為尚書持節降馮愜

宗元

字希蔣有至行鄉人號曰宗曾子

三國宗預

字德範南陽安衆人仕蜀漢為丞相亮主簿累遷屯騎校尉兩使吳孫權慕其善對遺以大珠

一斛累拜征西大將軍賜爵關內侯

北南宗夬

字明揚南陽涅陽人也少勤學有局幹任齊為驃騎行參軍時竟陵王子良集學士於西邸並

見圖畫史亦預焉時與魏和通教典與尚書殿
中郎任昉同伴魏使皆時選也武帝起兵還西
中郎諮議時西王位望唯典與同郤樂藹劉垣
為州人所推服武帝受禪歷太子右衛率五兵

尚書參
掌大選

宗炳

字少文南陽涅陽人也善圖書琴畫精於言理
每游山水輒忘歸劉宋時前後徵召皆不應古

有金石弄為諸桓所重桓
氏亡聲遂絕惟少文傳焉

宗慤

字元幹南陽人少時其叔父嘗問其所志慤答
曰願從乘長風破萬里浪任劉宋除振武將軍

茂林邑國剋之珍寶山積
一毫無犯後封洮陽侯

宗躬

撰永律八卷孝
子傳二十卷

宗越

業人善立營陣每數萬人止頓自騎馬前行使軍人隨後馬止營合未嘗參差封萬陽侯

宗慄

字元慄南陽人少聰敏好讀書鄉里呼為小兒學士為梁元帝記室嘗召宿省使製龍川廟碑

一夕便成

宗承

洛陽人父葵負土作墳不役僮僕一夕之間土壤自高五尺松竹生焉

宗測

字敬微溫陽人炳之孫幼尚靜退舉秀才不就齊永明中徵為太子舍人亦不就

宗連長

長安富人季女賢而有色欲求賢壻時趙元叔豪宕家徒四壁宗以女妻之與奴婢二十

餘口馬十餘匹金帛巨萬遂為富人

宗欽

金城人少好學有儒者風仕魏為著作郎封卧樹男

宗彧之

字叔繁炳從弟家貧好學州辟不就宋元嘉初常使陵子真聘三詣不就語人曰吾草莽

之人何枉軒冕容
徵拜員外郎不就

唐
宗楚客

神龍初拜相以文章得幸與
兄秦客弟晉卿武后時用事

宗仲

字義仲太原人安史之亂以戰功
遷游擊將軍歷少卿監察御史

宋

宗翼

虞城人篤學恭謹負米養母經史一見即能默
寫學歐陽虞柳書皆得其楷法隱而不仕戚同

文稱其有
古人風

宗道

政和中為溫江令
有嘉禾甘露之祥

宗白

字太素大名人開寶中授渭南縣令豪
俊尚氣節重交游太宗召為左拾遺

宗澤

字汝霖，葦烏人。有文武才。畧建炎初，為東京留守。李綱所薦。澤前後二十餘疏，高宗還京，為汪

黃所沮。未及一年，憤死。諫杜詩云：出師未捷身先死，長使英雄淚滿襟。謚忠簡。子穎。

宗晏

夔州人。為都押衙。乾德中有冠犯州境，晏捍禦甚力。民賴以安，以功補右班殿直。

金宗端修

字平叔，汝州人。好學，喜名節。金大定中進士。累官監察御史、大理丞、汝州司候、游彥哲嘗

問為政，端修曰：治氣養心而已。心正則不私氣，正則不暴為政之術在是矣。

元宗杞

大都人。年十九，父卒，號泣絕而復甦。水漿不入口者三日。過哀成疾，杞有繼母，自度不起，嚙其

妻楊氏，汝善守志事吾母，遂卒。

明宗彞

湖廣人。成化進士，任御史。

宗佐

浙江人。弘治進士。

宗璽

字朝用建平人正德進士授大理評事仕至福建左布政使

宗臣

字子相興化人嘉靖進士
歷官提學副使有文行

宗禮

湖廣人嘉靖中以左擊
將軍征倭戰歿祀

鍾

穎川角音宋微子啓之後桓公曾孫伯宗
仕晉生州黎黎任楚食采鍾離因氏焉

周鍾子期

楚人伯牙子鼓琴子期聽之意在高山曰巍
巍乎若泰山志在流水曰蕩蕩乎若流水子

期死伯牙破琴絕
絃謂世無賞音者

鍾儀

楚伶人任鄆縣大夫為鄭所獲獻諸晉公見於
軍府採南音范文子重之使歸楚以求成

漢鍾興

字汝文汝南汝陽人從丁恭受春秋光武召拜
左中郎將詔定春秋章句以授皇太子又使宗

室諸侯從興授章句封闕內侯興自以無功不敢受帝曰教訓皇太子及諸王侯非大功耶興讓其師丁恭於是復封恭而興遂固辭

鍾皓

字季明潁川人少以篤行稱避隱密山前以九辟公府皆不就季膺嘆曰鍾君至德可以與陳定荀淑韓韶為潁川四長漢桓帝朝為林慮長諸儒頌曰林慮懿德非禮不處悅以書詩弦琴樂古五就州招九膺台輔遠巡主命卒歲容與

鍾明

潁川人為林慮長仁信篤誠使人不敢欺與陳寔並稱

三鍾繇

皓曾孫字元常善書好謀封武亭侯魏文帝賜五熟釜銘曰於赫有魏作漢藩輔厥相惟鍾繇心幹膺胡昭時皆稱善書世說胡肥鍾瘦書法若飛鴻戲海舞鶴遊天女孫琰善屬文博覽羣

籍適王惲禮儀法
度為中外所稱

鍾毓

繇子機絕談笑有父風累
官刺史歷都督徐州荊州

鍾會

繇子魏末為鎮西將軍與
鄧艾征蜀有功封縣邸公

鍾瑾

皓之姪好學慕古有退讓風與李膺同年俱有
令名瑾之母乃膺之姑膺祖太尉常言瑾似我
宋性復以膺妹妻瑾生四子亮淑
訓秀號四龍安帝時俱為牧守

晉鍾雅

潁川人好學有才智仕至御史中丞直法繩違
百察憚之蘇峻之亂侍衛天子或勸之去雅曰
君危不能濟而遁逃苟免不
可也卒死于難追贈光祿勳

鍾嶸

雅七世孫好學善詩任南齊官至西中
郎作詩評品藻古今詩人其論最詳

唐鍾紹京

字可大，贛州人。錄十世孫，性孝，童幼時嘗得瓜菜，不敢先食，以奉二親。工詩，號小鍾。錄，號

大鍾也。從唐玄宗平內難，累遷中書令、越國公。

鍾傳

洪州人，少好射獵。僖宗時討王芝仙有功，官至檢校太保。中書令進爵潁川郡王。

鍾旭

武德中應舉，不第。觸階而死，後明皇畫寢夢一小鬼，盜玉笛上叱，忽有大鬼破帽藍袍，角帶捉鍾旭，應舉不第，觸階而死。奉旨賜袍帶，葬之。誓

除天下虛耗命。吳道子圖之如夢。

五代鍾謨

字仲益，崇安人。博學工文，仕南唐為戶部侍郎。

鍾隱

字晦叔，天台人。少清悟，不嬰俗事。嘗卜居閩曠，結茅室，好畫花竹禽鳥，以自娛。凡舉筆寫像，必

致精絕時無倫擬者尤善畫鷓子白頭翁鷓鳥
斑鳩皆有生態尤長草棘樹木升元中齊安張
被尉得隱畫鷓鳥二幅張之賓次時金昌宗題
詩曰為厭翻翔下葦叢戢翰側睭思何窮侍童
莫便褰簾過只恐驚飛入
碧空其為人珍貴多類此

宋

鍾紹安

嘉熙進士為袁州分宜簿有功陞
福建上杭知縣從文天祥勤王

鍾元龍

字善甫舊名禪將樂人寶祐二年夏水漂田
秋霜損稼閭里告歎元龍乃發倉廩減價以

賑之所活
者甚衆

鍾槩

子翼秀出民伍雅有器量郡守曹觀重之蘇
洵南遊不喜飲酒每為設醴賦南還槩沒諫之

鍾嶽

字克俞政和進士為桂陽令平生
不事生產清介苦節無虛可居

鍾鏗

銅陵人其家十一世同居鏗幼開悟如成人後官至汀州守宦游五十餘年卒無贏資

鍾震

湘潭人從朱晦菴受業建主一書院講道鄉士夫咸宗之學者稱主一先生

鍾佑

字少游龍南人紹京之後元豐舉進士知桂陽縣考課第一通判宜州招諭蠻寇多順從者即

帥桂林性至孝喪父盡哀有羣鳥鳴於墓人名其廬曰感鳥堂

鍾傳

樂平人本書生紹聖中以章惇薦命幹當熙河涇原秦鳳三路公事累以破夏功擅帥熙尋責

監永州稅後復起為龍圖閣直學士

鍾璇

字振遠常熟人少勤學好問弟環環琢並及第璇遂弃舉子業放情山水游天台遇異人自是

有悟閉戶二十餘年家貧不為戚戚咸以奇人目之

鍾季玉

樂平人淳祐間舉進士歷官樞密院編修官知建昌軍有旨和糴值歲早為請減三之一

累遷江西轉運判官北兵波江季玉徙寓建陽兵至死之

鍾元鼎

字和卿晉江人乾道進士歷知鄞縣政尚愷悌弟元震登淳熙進士

鍾鼎

上猶人嘗觀范仲淹菽田事偕姪日新置義莊建書院延師以教鄉族子弟子三傑登紹興進

士累仕為化州司理叅軍

鍾正甫

武陵人治平進士與米芾友善樞密蔣之奇器之後為廣東轉運有美政蔡京置正甫黨

碑中
生謫

鍾作霖

字民望上猶人教授于鄉從游者歲率數百人以禮法誨子弟登紹興進士子祐子禔皆

科登

鍾輻

金陵才子也年少氣豪樊若水愛其才以女妻之後輻中甲科樊氏蚤世輻遂隱終南山終身

不仕

明鍾勗

字士懋慈谿人幼孤力學洪武初教授郡庠舉任廣東番禺禺知縣有惠政官至兵部侍郎子水

亦以明經舉官
至戶部侍郎

鍾友諒

國初知祁門縣敏諒疏通剝煩治劇值壬辰
蕪兵蹂躪縣境踴為草莽友諒雖蓬藿開市

井招逋逃聞蕪田理冤抑民
服其化吏畏其明治聲大振

鍾英

字汝器高要人脩眉豐頰沈默莊重年十一子
史百家靡不該洽永樂辛卯舉進士選庶吉士

授編脩雖居禁
近不殊布韋

鍾順

字必華南海人景泰中知沔陽廉慎愛民時江西周禮洪侵擾荆沔順計擒之士民安業立生

祠祀于滄浪亭

士民皆感焉

鍾璵

字德卿當塗人少穎敏勤苦績學遂於經術景泰進士歷大理寺正著平允聲擢江西提學副使士子經品題者多所造就致仕歸手不釋卷閒居林下足不及公府門下執經問難者濟濟

卒年八十餘

鍾同

字世京永豐人父復翰林編修同任御史以直言死獄天順初贈大理寺丞

鍾雅

字大章歸善人成化進士性聰敏善屬文尤長於詩與翰林編修涂瑞同鄉薦每即席賦詩刻

炬限

韻云

鍾復

字弘彰永豐人宣德癸丑進士第三歷翰林侍讀

鍾渤

字元傅東莞人弘治庚戌進士歷副使

鍾鯨

字躍海廬陵人少游學白鹿洞知名當世弘治中知新興縣身無盛衣厨無魚肉侍無媵妾抑

豪強恤黎庶有古君子風而剛介寡合六年去民共惜之

鍾湘

字用秀興國人弘治進士授戶部主事歷官郎中擢知漳州府事會隣廣山寇猖亂事聞命合一省兵殲之軍門督重兵屯其境芻粟之費日不下數百金悍卒不可法御湘區畫誓戒皆有度率死士先搗巢穴縛其首惡詣脅從之者給牛粟而遣之賊感泣不戰而巢遂空以寇靖功

救進品秩擢

廣東叅政

鍾芳

崖州人正德進士任戶部左侍郎以學行著

鍾卿

廣東東莞人嘉靖進士累官光祿卿恬靜溫謹早疏乞休士多稱之父善經弘治進士

龔

武陵羽音晉大夫龔堅之後

春秋 龔堅 晉大夫

漢 龔遂

山陽人為昌邑王郎中令王有不正遂諫諍王掩耳起走宣帝即位渤海盜起命遂為渤海太守

軍車至郡勸民農桑民皆賣劍買牛賣刀買犢境內大治

龔勝

彭城人三舉孝廉哀帝時徵為諫大夫王莽秉政歸老鄉里莽遣使奉印綬安車駟馬徵之拜

上卿勝為門人高暉等曰誼豈一身事二姓乎遂不食死

龔舍

武源人通五經以魯詩教授與孔休卓茂等同志不仕初以龔勝薦徵為諫大夫復拜光祿大

夫終不起舍與勝並著名節世謂之楚兩龔

三龔石

字顯光南昌人吳謝夔為會稽太守獲罪於大帝石為具表陳訴頓首流血時天大風雷流血

成冰帝為之釋奠

晉龔玄之

武陵漢壽人好學潛默初舉秀才公府辟皆不就孝武聞其名徵為散騎常侍固辭子元

壽黎民孫祈皆有名聲

龔明之

字熙仲幼孤鞠於祖母李氏嘗曰吾少時夢綠袍判官曰與汝七十七宋崇寧中反此數

果病亟明之焚香於項禱曰願減己算
五年益祖母壽李病果愈年八十二卒

龔壯

梁人潔已守道父為人所殺壯卒定計執
仇以報父朝廷徵召不就以文籍自娛

龔穎

遂寧人益州刺史毛璩辟為從事璩為譙縱所
殺佐史竝逃穎奔赴殯送以禮後縱僭位禮徵

不起肯以兵
刀執志彌堅

龔益舒

金華人通毛詩仕梁為潯陽郡丞元帝在江
州遇之甚厚重之以師禮任焉官至大中大夫

夫

龔履素

南昌人居南雲山三十餘年頗產買書聚徒
教授講授之暇荷耨躬耕弟子自遠而至者

與均衣食貞元
三年卒于家

龔祈

字益道風姿端雅容止可觀范述見之嘆曰此荆楚之仙人也

宋

龔孟夔

字龍支臨川人咸淳進士除隆興察推妙悟文法斷決如流賈似道欲見孟夔不往左授

閩幕歸而講學山中十年性剛直絕町畦為當時矜式

龔鼎臣

字輔之鄆州須城人景祐初進士為泰寧軍節度掌書記石介死讒者謂介北走遼詔克州刻狀鼎臣願以闔門證其死尋知諫院歲早則請罷宴以答天戒日食則請進賢遠奸以應

皇極尋以事件王安石出知克州再知青州

龔郊

字雲伯寧德人曾祖允昌祖必俞俱稱善士郊早從朱文公學不務口耳一意躬行晚與楊復

論辨理氣先後之說尤有造詣自號南峰居士有詩文雜著數卷

龔夬

字彥和瀛州人少有重名清介自立舉進士累官殿中侍御史言章惇蔡京罪章累上因言修

五朝寶訓不可增損以濟奸說時論題之卒謚節肅

龔開

字聖子淮陰人少負才氣博學好古尤邃經術宋亡節操孤峻嘗作文天祥陸秀夫傳吳萊稱

其不減遷固詩老蒼有骨力

龔原

遂昌人進士徽宗初為給事中時除郎官五人皆執政媻戚悉舉劾之後歷兵工部侍郎仕至

中宗正丞所著有易解

龔璠

字子敬高郵人聰敏善屬文刻意學問當路者交薦宜在館閣不報與龔開為忘年友比漢兩

龔

龔楫

字濟道父原仕為兵部侍郎崇寧中謫居和州因家焉楫儒如不勝衣聞金人陷郡縣輒念志

不食兀术據和州楫率家人等往襲之得數百人金救兵大至楫麾其衆曰今日鬪死亦足為

義士遂死之

龔頤正

嘉泰元年奉旨學問該博持賜同進士出身官至祕書丞

龔友福

光山人仕為翰林學士拜中書叅政兼丞相事號淮南夫子

龔懋

字君美順昌人少俊偉仁宗朝舉茂才異等授州房推官與張方平相友善方平知諫院懋作

十詩寄之備言交契之厚慶曆初近臣列薦召為館職未幾卒

龔日昇

性剛直嘗義擊戚畹之貴寵者度宗初年守鼎州除苛政寬徭薄賦大修學校以風士類

早濤
多應

龔慎儀

字世則，郃武人。任南唐為禮部侍郎。宋開寶初，入貢太祖，命齋書往招嶺南，被執。漢亡，得

歸。後隨李主歸宋，以駕部郎中為歙州刺史。宜春盧絳欲據福建，領眾數千，由新安入歙。約慎儀朝服坐黃堂，日不顧絳。神色自若。絳曰：「聞公素有籌略，今下歙，特請公為謀主。」慎儀厲聲曰：「吾已授宋命，雖一日失援，肯從賊為叛耶？」絳怒，殺之。舉家被害。

龔穎

字同秀，天資穎悟。博通經史。初任南唐為內史學士。隨李主歸宋，擢為御史大夫。叔慎儀為盧

絳所害。及絳歸宋，與穎同朝。穎曰：「古之殺人而義者，令勿仇。今絳不義，縱殺無辜，若不以為仇，非所以盡忠孝之義也。」乃袖鐵簡入朝，會絳。陛見穎，遂前擊之。太祖驚問故，穎以狀對待。罪奏

曰一為國家除害二為叔父報仇極言絳狼子野心不可畜於朝太祖歎曰江南小國有義士若是耶遂誅絳義頴而釋之

世以忠義稱之號曰端公

龔端

新昌人元符初進士立朝未嘗隨世俯仰欽宗時極論時事危言讜論欽宗謂其凜凜有直臣

節後奉使河東路聞

二帝北狩憤悅而卒

龔宗元

字會之幼穎悟絕人天聖中擢進士以父識疾乞侍養後知句容發奸摘伏如神歷都官

員外郎

龔興

湘陰人乾道進士剛介廉潔為浙東檢法隨憲按部郡饋遺皆不受後知萍鄉民戶通官賦興

以已俸代輸家無擔石之儲

龔程

字信民宗元子剛正自守不怵禍福由熙寧進士歷朝議大夫

龔茂良

莆田人紹興進士為吏部郎官論禦敵得失曰景德之勝本於能斷靖康之禍由於致疑

孝宗時以叅政行相事度壽禮行中外親恩茂良歎曰此當以身任怨不敢愛身以弊天下也

辛謚
莊敏

龔況

字濬之程之子登進士以學術文章與蘇過俱名于朝號龔蘇終祠部員外郎

龔識

字默雨慎儀子徙居吳登進士擢監察御史才術醇正操履端方歷平江軍節度副使

龔基先

字平叔高郵人父炳徙京口入太學登進士調松尉廬江令淮東安撫司幹辦官出入行

間有功累遷太府卿尋除太常卒基先平生愛惜士類倡義率諸鄉達創淮海書院以處淮士

之流
離者

龔灑

字深文累官中奉大夫歷知長洲令官至司農卿國亡士大夫居班行者隨例北上灑行至草

縣不

食卒

明

龔仲賢

光澤人父早喪家貧母紡績以撫養洪武初母以壽終仲賢痛念不已母誕日刻木肖像

以奉飲食衣服出入有事必以虔告朝夕不怠凡十八年如一日鄉人稱為孝子

龔敷

鉛山人學問該博德行敦實洪武初以明經為府學教授御史葉孟芳高其學行薦至京師遷

國子司業尋陞

祭酒卒於官

龔炯

字廷璋晉江人敦厚周慎立志為學詩文為當時稱書翰首洪武中應薦以親老歸

龔鏞

字子諫南昌人洪武中授兵科給事中執正不阿陞四川按察使明察民隱在職四十餘年蕭

然不異寒士後致仕卒于家

龔太

字叔安義烏人洪武中鄉薦授戶科給事中靖難帥入自投河死

龔詡

字大章直隸崑山縣人建文初年十七為金川門守卒靖難兵入詡大哭還鄉後兩薦為學官

辭不就門人私謚曰安節先生

龔箎

蒼梧人永樂初舉進士擢嘉定縣丞有能聲歷官兵部郎中以老成見推陞廣東左叅政

龔景才

字敦之常熟人五世同居少孤力學性至孝

龔海

南昌人任南京後府經歷陞知韶州府廉介有守剛直不阿吏民畏服豪右斂手

龔遂榮

錦衣千戶時英皇已入塞寓書於大學士高穀言奉迎禮當從厚主上當避位懇辭而後

受命穀袖其書入朝以示廷臣曰武夫尚知此禮況儒臣乎陳循言遂榮非分請治其罪遂下

獄會赦

得釋

龔弘

字元之嘉定人成化進士歷南京吏部郎中知兗州為政以廉明精敏稱人比之包孝肅擢山

東叅政為湖廣左布政使擢副都御史督理河道會武宗南巡江柳沿途率賂弘一無所與因

在上前譖弘老上曰弘雖老尚可用久之晉工部侍郎加尚書致仕歸

龔謙

字廷益高郵人舉進士授御史巡鹽兩浙執法除姦及清軍湖藩甚得大體都御史寇公深記

其名於後堂且移文各省令清軍以謙為式名重一時卒于官

龔用卿

福清人嘉靖丙戌一甲
第一歷官國子祭酒

龔輝

字實卿餘姚人嘉靖進士
累官刑部右侍郎

龍

武陵羽音舜臣董父好龍曰擾龍
氏以王父字為氏又望出天水

漢

龍且

楚人項羽將

龍伯高

名述京兆人為仙都長馬援嘗戒其兄子曰
龍伯高敦厚周慎口無擇言謙約節儉廉公

有威吾愛之重之願汝曹效之效伯高不得
猶為謹飭之士所謂刻鵠不成尚類鶩者也

南
北龍袞

撰江南野史二十卷

唐龍復本

開成中人無月善聽聲揣骨知人官祿壽夭
揣蕭真笏曰宰相笏又揣米祈笏曰長官笏

後皆
驗

龍知欽

隨州
刺史

龍起

擢進士第未第時夢乘龍而起回顧又有駱駝在後及登第次其下者乃龍起駱駝也

五代龍敏

字欲納幽州永清人歷進為太常卿使於吳越時使吳越者見吳越王皆下拜敏獨揖之

宋龍錫

字琢成乳德丙寅由鄉舉任邕州守宅心以仁守己以廉州民感之如父母一日有羣鶴翔于

公庭自旦及夕徘徊不去州民繪來鶴圖以頌其德時學士實儀以使過邕因留題曰多少樊籠不敢開強拘物性要相倍何時得似邕州守德政臨民鶴自來致任歸家邑之南鄉庄上年

八十卒子暹雍熙
乙酉中宏詞科

龍德厚

字子仁，錫高。嘉定癸未中拔萃科，授龍圖閣待詔，轉翰林院承旨，賜紫金魚袋。結定士辰。

出知潭州，有善政。端平甲午，復召翰林承旨。

龍雲從

字子高，任福建儒學副提舉。元亡，不仕。任曠達，邑守。蔣俞茂才迎之，與浙江提舉雲陽李

祁同為上賓，號不二心老人。祁元進士，文名為時所重，而子高以詩詞與之。顏頊茂修，邑東門

浮橋成，與賓佐同安橋。子高酒酣作詩，即席口占坐者皆為閨筆，其警句云：行丁運鎖駕長虹。

百夫牽船貫飛鷗。陽侯宮殿橫截開，羅抹鯨天何有哉。鄉邑間詩人自吳羊樂後，首推子高云。

龍況

字景荀，鉅鹿人。父庚，天祐初任茶陵令，因遇褒書況博通經史，值時故徙居永新，教授鄉閭。卒。

葬邑之鹽堆嶺。子四欽，中三史科。域四川都監，琮舉進士，琳為吉州任曹。

龍崇

字升之讀書好著述嘗游真西山陽東山之門陳愷師九江壘加禮聘遂建永新城築之人民

賴以為保障奏名調臨川戶掾京尹趙與權表監酒米場修中興政要書成與權檄進仍率侍從十人列薦乃循資授從任郎除福建師司節幹在幕府修宋朝帝學增釋二百卷刑侍趙以手入覲進再循資轉儒林郎史館劾卒于京師姚希德狀其行與權取誥語予云墓曰忠觀

先

龍昌期

字起之仁壽人祥符中注易詩書論語孝經陰符道德篇韓魏公使蜀奏授試國子四門

博士慶厯中文游公奏授校書郎太子洗馬著古論帝王心鑑八卦圖精義入神絕句書河圖照心寶鑑春秋復道三教圖通太保正名等論行軒小集然常羽翼先儒時論譽之

龍景昭

夔州奉節人少有武勇初任蜀為施州刺史宋平蜀授永州刺史秩滿入朝改右千牛衛

將軍

龍著

字少家崑山人承議郎

龍太初

以詩人謁王荆公公與郭功父坐郭叱曰相公前敢稱詩人令賦沙詩頃答曰茫茫黃出

塞漠漠白浮汀鳥去風平
篆潮回日射屏郭為閣筆

龍澄

游瀼水見水中一石合覆玉印五文字如星霞傍有九天使者謂曰此上帝所寶可投元處

元龍仁夫

永新人博究經史以道自任仕元為湖廣儒學提舉晚年僑居黃州著周易集十八卷學

者稱麟洲先生

明龍存仁

洪武中知福寧縣修廢墜恤孤寡舉賢良祛民害民愛戴之

龍澄

新淦人永樂進士任廣東僉事

龍儀

江西人永樂進士

龍晉

字遵度吉水人由進士授監察御史左遷嘉定知縣天順八年擢知本府公勤廉恕撫民有方

開良堰灌田三千餘畝利澤及民成化三年丁內艱復改常州府民皆思之

龍霓

字致仁江西宜春人弘治丙辰進士居官嚴毅簡重剛直有為一時聲譽籍籍遷浙江僉事風采凜然秉政嫉邪綽有成績竟以觸忤當路罷之正德初僑寓長興夏駕山與劉林孫一元結

社云為湖南五隱

龍大有

茶陵人正德進士嘉靖中以兵部侍郎撫大同叛卒

龍誥

攸人正德戊辰進士知臨川縣東鄉民聚為盜積歲不平當道檄誥討之誥率兵往討之既至

誥下馬呼曰吾臨川尹也爾寧殺我毋屠我民賊皆羅拜願撫為民遂弃兵械還誥疏而撫之

不半月事平陟戶部主事歷郎中擢廣西叅政

雍

京兆又望出平原周文王第十子也雍伯之後以國為氏

周

雍巫

易牙姓名齊人知味

雍紂

鄭大夫

雍子

楚人

雍廩

齊人

雍鉏

宋人

雍門周

鼓琴孟嘗

雍糾

祭仲專政厲公使其婿糾殺祭仲弗克殺糾

漢 雍齒

沛人高帝封
為什邡侯

唐 雍陶

成都人詩人字國鈞
太和進士簡州刺史

雍裕之

成都人
詩人

雍無逸

大歷中為龍州別駕吐蕃入寇無逸
夜泊其城破之以功封什邡縣男

宋

雍公說

治平
進士

雍錡

四川蓬州人
宣和進士

雍遯

四川蓬州人
宣和進士

雍禔

四川蓬州人
宣和進士

雍存

全椒人隱居不仕以文史自娛居城南號南郭
先生錢公輔遊山詩每從南郭先生到謂存也

紹聖初曾肇為守
嘗與為文字交

雍冲

洋州人太學生方紹聖中大臣變更元祐政事冲上書數其罪乞斬之有旨移興元府白訟齋

其後張浚試吏興元以冲為友焉

雍孝聞

閬州人元符末力詆紹聖用事者未幾廷試時相誣以詆毀先烈亟加流竄入元祐黨籍

雍之奇

大足令鮮于學士贈以詩鄉闈素號賢夫子士論今推聖長官

雍繁孫

龍州人紹定四年進士修文昌宮題名

雍明遠

元豐進士閬中人

雍璣

元豐進士閬中人

雍鉞

崇寧進士閬中人

雍鈞

南充人治平進士為御史臺主簿時章惇用事朝士滿門鈞獨不往惇怒出鈞知蓬州

雍舟卿

政和登科
閩州人

雍源

政和登科
閩州人

雍觀復

利州人大
觀登科

雍沿

營山人舉進士
有詩名

雍朝瑛

紹興進士
普州人

元
雍居敬

廣東宣
慰使

明
雍清

清
水人
洪武初
任行人司行人

雍泰

字世隆
陝西咸寧人
成化己丑進士
仕至南京戶部尚書
初授吳縣知縣
擢為御史
舊令行皆

饋樓船
公不受
民涕泣
固饋乃駕至
張家灣
吳人歌曰
時苗留犢
雍公返舟
巡鹽兩淮
淮灶丁

貧而鰥者
幾二千人
比及三年
俱與完室
既去
淮人誅曰
客邊歸橐
渾無硯海
主道民盡
有家

人曰了却四千男女願春風解纜去朝天
公有敢死之節克亂之才後忤瑾令致仕

雍瀾

莆田人嘉靖進士

雍世賢

西克人嘉靖舉人

雍禮

西克人嘉靖舉人

雍焯

陝西狄道人字闡仲貢士嘉靖中任監察御史巡按山東有風裁

雝

周雝子

漢雝護之

雝傳

雝伋

宋雝美

宣和間任安州制置使

欽定四庫全書

萬姓統譜

二十三

明 雖子重

清水人宣德間
任欽天監博士

從

東莞角音漢將
軍從公之後

漢 從通

從平

從志

從成公

將軍

金 從坦

安撫山西軍民上書言絳解二州民皆恃鹽布
易米乞罷禁粟麥中條之南諸縣為陝洛喉襟

乞加兵分戍平陸產銀鐵若以鹽易米募工鍊
冶可以廣財用備戎器而盜自息後為權元帥
任監軍元兵已至平陽破
遂自殺贈武昌軍節度使

明 從龍

字雲舉安陸州人天順乙酉以禮經中鄉試筮
仕富順知縣陞知麻哈州時民俗皆被髮左衽

龍令家人教民織中以冠仍聘鄰邑諸生訓子弟以詩書遂成衣冠人物之俗歷任五年民立生祠祀之陞懷慶知府

從貞

繁昌人安陸衛指揮同知居官清儉出入惟一

家僅前導蕭然若寒士管領漕運尤愛惜士卒州為之諺雖三尺童子能誦其美

從介

繁昌人嘉靖中江西清江縣訓導

從字

湖廣承天人嘉靖丁酉舉人任工部員外郎

容

燉煌宮音春秋南容氏之後以王父氏為姓

上古容成

黃帝臣

周容居

徐大夫

明容善

廣東人永樂進士

容悌與

字行白香山人性質醇謹學博行修永樂中任本縣教諭事母最孝鄉人稱為孝行先生

容晞

高要人舉人天順中雲都訓導

容師偃

香山人悌與四世孫自小性孝正德丁丑寇徧香山師偃竊父而逃被執賊欲殺其父師

偃請以身代父遂死

容若玉

懷寧人萬曆甲戌進士

共

工氏有子名勾龍佐顛頊平水土為后封上公祀為社左傳商侯國文王侵阮徂共子孫以國為氏

周

共賜

晉大夫

共華

晉惠公時平鄭之自秦反也聞里克死見共華曰可以入乎共華曰二三子皆在外而不及子

使於秦可乎哉平鄭入君殺之共賜謂共華曰子行乎其及也共華曰夫子之入吾謀也將待也孰知之共華曰不可知而背之不信謀而困人不智困而不死無勇任大惡三行將安入子其行矣我姑待死

漢

共尉

項羽封臨江王後虛綰擊破之

共普

長樂五官吏

共支

代郡太守

松

東莞宮音秦封松為大夫因氏

隋

松贊

名士北海人
沒於王市

明松冕

六合人長蘆
運司經歷

庸

高時侯國子
孫以國為氏

周

庸芮

秦宣太后病將死出令曰為我葬必以魏子為
殉魏子患之庸芮為魏子說太后曰以死者為

有知乎太后曰無知也曰若太后之神靈明知
死者之無知矣何為空以生所愛葬於無知之
死人哉若死者有知先王積怒之日久矣太后
救過不贖何暇乃私魏醜夫乎太后曰善乃止

庸職

齊懿公
驂乘

漢

庸生

名譚膠東人始孔安國傳古文尚書授都尉朝
朝授譚尚書文學未得立中興扶風杜林傳古

文尚書同郡賈逵作訓馬融作傳鄭
康成注解由是古文尚書遂著于世

庸理

庸光 將

庸譚

膠東人傳孔安國尚書

明庸以弘

臨桂人弘治中黃州府通判

鄘

商都之地楚丘鄘地也周公并其地為鄭國絕子孫因以為氏

明鄘瓊

石樓人洪武中慶遠府照磨

儂

宋儂奭

青州人元豐登第

高宗時有賊儂智高

冬

南冬壽

燕左司馬

明冬青

泌水人宣德中直隸清河縣訓導

琮

宋

琮師古

開封人登科

農

雁門宮音風俗通云神農之後

明

農益

平南人永樂舉人任訓導

農志科

沅州人宣德中為靖州學正

農猷

涑水人成化中為淳安縣知縣

農高

桂平人成化舉人

恭

晉太子申生謚恭君其後以為氏又敬姓避梁諱亦有改姓為恭者

晉 恭播 著漢書音義十二卷漢書注四十卷

宋 恭輔 通判龔州惺悌之政洽于生民治休事肅裕然有近古意

明 恭昭 字自昭汝州人天順進士歷官都御史

印 見姓苑音登

周 印疏 封史見列仙傳

明 印林 蘭陽人永樂間汀州府同知

重 傳容切見姓苑顓帝重黎之後

南 重異 大形渠師將兵二十萬與張步戰

明重省

石州人弘治舉人陝西鎮平縣有重姓

樅

七恭切

漢樅公

高祖使御史大夫樅公周苛守榮陽因建謀殺魏王豹

供

明

供仲序

廣東南海人洪武中為湖廣攸縣丞

空

孔丘宮音

彤

周彤伯後徒冬切

峰

州名見姓苑

邨

亭名以亭為氏

鐘

見姓苑與鍾同

顛

姓纂云人姓

竇

祖宗切羊姓子宗

茸

如容切新鄭

葦

音農出海篇直音

筈

音龍舜納言之後出海篇直言

終

音同出海篇直音

萬姓統譜卷二